

四庫全書

史部

欽定四庫全書

史部  
欽定八旗通志卷首  
六五至

欽定四庫全書

欽定八旗通志卷首之五

天章五

皇上御製詩三

五功臣五首

錄四首

故協辦大學士一等武毅謀勇公兆惠

平定西域兆惠實惟首功以傳恒贊襄定策準蕭  
何不戰之例宜居第一而兆惠即繼之兆惠起家

中書

皇考時初立軍機處兆惠即與舒赫德同為章京故二人皆練習政事余既踐阼知其才可用屢擢至侍郎金川之役命往綜理糧餉尋為軍機大臣乾隆乙亥我師撫定伊犁而逆賊阿睦爾撒納潛蓄異謀煽眾為亂竄身遠遁因命兆惠為將軍駐伊犁聞呢嗎等之變整師東旋中途屢殲逆眾乃被圍於鄂壘扎拉圖適余所遣圖倫楚等率師至兆惠

力戰得出戊寅冬薄葉爾羌城我軍已疲於遠涉  
而逆酋兩和卓木糾衆邀拒時我軍三千人其渡  
河者僅四百乃築堡黑水固守相持三閱月百計  
殲賊已卯春舒赫德等統兵赴援而余先所遣送  
馬之阿里袞等亦至內外夾擊賊衆披靡遂回駐  
阿克蘇兩酋竄遁追至拔達克山因各授首獻馘  
回部悉平賜以世襲一等公爵晉協辦大學士並  
賜紅寶石頂金黃帶四團龍補悉如傅恒例凱旋

行郊勞禮錫宴於紫光閣詳見紀事諸詩兆惠長  
余僅三歲正資倚任遽以甲申冬病歿余親臨撫  
酹即命其子為額駙勅祀賢良祠優加贈卹每一  
念及悼惜曷能已乎

西師歷五年準回兩進討兩討凡兩阻兆惠皆經了

兆惠

於搜剿準夷遺孽則有鄂壘扎拉圖之圍進討回部逆  
酋則有喀喇烏蘇之圍皆能全師以出歷險而亨由其  
忠誠素篤濟以謀勇故能而皆安然出歲功荷

邀

天佑而叶師貞也

大造設非忠誠篤加以勇畧昭焉能合衆志成城錫箔

保蒙古語錫箔者即岩保之謂也

者定贊絲綸章服元勲表謂當永承

恩太平佐有道長予纔三年何不同予老

故戶部尚書一等果毅公阿里衮

鈕祜祿為我滿洲大族而額亦都巴圖魯乃

太祖

太宗朝開國元勲阿里衮其曾孫也乾隆初年為御前

侍衛擢任兵部侍郎歷授巡撫總督壬申冬還朝

為戶部尚書兼管步軍統領丙子冬命往軍營為

參贊大臣戊寅冬命偕副都統鄂博什送馬濟軍  
彼時尚未知兆惠等有襲迫之事也阿里衮不憚  
勞瘁遄程而進己卯春會舒赫德赴援賊遮之於  
呼爾滿阿里衮適至解其圍同趨黑水與兆惠夾  
擊賊衆全師而出命襲果毅公爵圖像紫光閣凱  
旋復為尚書兼協辦大學士戊子春命往雲南辦  
緬甸事與大學士公傅恒分路進剿蠻暮新街之  
捷皆有功己丑冬以受瘴瘍發肩背馳醫治療不



痊悼惜贈卹如典禮祀賢良祠阿里衮性誠篤遇事力任不避艱阻余以此優眷之

昨歲秋之仲

盛京謁

陵園三大功臣墓陪葬其間存

額亦都與揚古利費英東並以開國佐運

勳臣陪葬於

福陵

昭陵之間昨秋恭

謁

祖陵曾親臨三功臣墓

酌酒並紀以詩

茲阿里

衮者額都

額亦都急呼之則為額都

四世孫勇豈匹其祖忠實一例

肫兆患阻黑水回衆如蜂屯爾時舒赫德統兵速入援

又被狂狙阻進退至兩難適值阿里衮送馬繼進過率

兵亦弗多乘夜賊營撤賊駭自天降鹿埕羣逃奔兩軍

俱善歸

阿里衮解馬過進所統之兵無多既解舒赫德等呼爾滿之圍復至喀喇烏蘇夾擊賊衆兆忠

等並全師而出還至阿克蘇重進鴻功全後復往征緬

整兵再進遂以次平定回部

阿

受瘴惜隕身一再忘軀勞思之輒淚捫幸而子善繼

哀子豐昇額襲公爵擢尚書授副將軍征剿金川遜克爾宗之捷奮勇奏績以其克紹祖風於公爵加繼勇二

字凱旋國像紫光閣復加一等子世爵方以其年壯可繼父志為國宣力乃未幾以病歿益增悼嘆金川

建殊勲凱旋以病終悲惜何忍言

故雲貴總督將軍一等誠嘉毅勇公明瑞

明瑞為

孝賢皇后之姪初襲承恩公選充侍衛乾隆丙子擢副都統命往伊犁軍營為參贊大臣尋遷戶部侍郎同將軍兆惠往剿回部於喀喇烏蘇襲迫中悉力拒賊已卯春我軍內外夾擊賊衆驚潰兩逆酋望風遁明瑞統兵追及之於霍斯庫魯克轉戰三時斬馘數百復敗之於阿爾楚爾敘功於公爵加

毅勇字圖像紫光閣晉都統擢領侍衛內大臣壬午授伊犁將軍乙酉統兵復定烏什事詳烏什戰圖補詠丁亥春還朝值緬匪滋擾楊應琚乖方貽誤命明瑞為雲貴總督往代之繼復授為將軍令相機進剿遂統兵由宛頂進賊於蠻結悉眾以拒明瑞身先督戰乘大霧薄賊寨破其象陣斬級二千餘生擒三十四人捷聞加一等誠嘉毅勇公世爵賜紅寶石頂金黃帶四團龍補以示優異而以

承恩公爵令其弟奎林襲明瑞復敗賊於天生橋  
由宋寨次邦海取道猛密輾賊境數千里旋自大  
山移駐猛腊屢戰克捷會參贊額爾登額頓兵旱  
塔巡撫鄂寧十檄促援遷延不進賊偵我孤軍無  
繼蟻聚抗禦明瑞因綠營疲病者多令將領分隊  
護之以出而身自殿後接戰次小猛育賊益紛集  
明瑞身被重創而歿事聞痛惜弗能置因勅從優  
議卹並建旌勇專祠祀之櫬還親臨賜奠磔額爾

登額於其前猶不足以紓余恨也

凡經百餘戰戰必先衆軍不謂世胄家而有如此人讀  
書知大義挽勁鮮與倫短身既精悍謀畧兼出羣功難  
俚指數嘉賚匪因親征緬次猛腊獨入克捷頻恨遇忌

功者逍遙河上陳

明瑞師次猛腊孤軍深入重地應有  
繼進之兵時額爾登額分駐旱塔若

星馳赴援未嘗不可合力奮剿即不能成功亦可全師  
而出乃額爾登額忌明瑞獨成大功觀望不進時鄂寧  
為滇撫十機敦促轉繞回銅壁關遷延半月始達宛頂  
而明瑞以無援助竟至捐軀額爾登額實死有餘辜矣  
力戰絕後繼終焉捐其身於爾無悔怨於我增悲辛不

須讀杜牧謂過趙使君

故大學士舒赫德

舒穆魯亦滿洲大族昔徐元夢以翰林兼通清漢  
文在

皇祖時即為衆所推舒赫德其孫也頗能世其家學雍  
正年間以試繙譯授中書軍機處初立與兆惠同  
為章京故亦通達事體余即位授御史三遷至侍  
郎兼步軍統領戊辰擢都統復遷尚書為軍機大

臣隨經畧大學士傳恒赴金川辦軍務甲戌以後  
並在軍營再起再罷戊寅冬以白衣留阿克蘇聞  
兆惠黑水事即飛驛奏聞隨簡精銳馳援仍授副  
都統參贊大臣己卯春擊潰賊衆平定回部擢尚  
書予世職圖像紫光閣戊子春往雲南籌辦軍務  
以陳奏失當下部議罷職任予都統銜赴烏什為  
參贊大臣辛卯土爾扈特汗渥巴錫等率全部歸  
順調至伊犁經理撫輯事悉協機宜即命為伊犁



將軍旋授戶部尚書及領侍衛內大臣癸巳秋晉  
大學士召還兼管吏部刑部甲午秋率滿洲兵往  
臨清剿捕逆匪王倫等甫六日而歲事賜戴雙眼  
孔雀翎以旌其能復予雲騎尉世職嗣以平定金  
川圖像紫光閣文武大僚得再與功臣圖贊者不  
過數人而已丁酉夏扈從易州敬襄

山陵大典忽遘時疾遣醫診視不數日而歿賜襚賜卹  
入祀賢良祠並於回京後親臨奠醊舒赫德老成

練達足副任使且纔長余一歲不意其溘逝如此之速曾賦詩惋惜之迹其生平多以功績顯故從其著者列為功臣云

遇順饒有智逢艱或失算究以從政久經事實明練屢罷屢復用中心惜英彥踐歷更老成遂掌絲綸渙西師

頻建功然職在參贊土爾扈特歸順

土爾扈特急呼之則為土爾扈余初聞渥

巴錫等來歸之信恐伊勒圖一人不能經理得宜因命舒赫德往治其事舒赫德至伊犁於一切安汛設偵等儲密備之事無不悉妥故新投之人一經理實妥善叶至如歸詳見向所作土爾扈特歸順記

六日靖臨清則信資偉幹燮理原未久勲伐誠可按懷  
舊不能忘悽然一染翰

五督臣五首

內錄四首

故大學士陝甘總督三等忠勤伯黃廷桂

閣臣之兼督臣者凡四人黃廷桂宜居首然四人  
者或未入閣辦事或雖蒞綸扉無事實可錄而在  
封疆中則皆政績卓著者故並列之督臣亦如舒  
赫德列於功臣梁詩正列於詞臣例也黃廷桂鑲

紅旗漢軍康熙五十一年充侍衛尋任叅領雍正  
二年授宣化總兵五年擢四川提督

皇考知其才遷四川總督仍管提督事乾隆元年併川  
陝總督為一廷桂專任四川提督是年冬內陞鑾  
儀使二年署天津總兵五年遷古北口提督六年  
授甘肅巡撫十三年春署陝甘總督其冬遷授兩  
江總督十六年調陝甘十八年調四川十九年擢  
吏部尚書總督如故二十年五月授大學士兼管

總督六月復調陝甘廷桂所至力為整飭吏治肅  
然遇事無所徇隱悉核實入告誠篤有足嘉者其  
任陝甘也適當西陲用兵之時廷桂籌辦軍需備  
極勞瘁凡飼解駝馬轉運糧餉無不精詳妥協毫  
不累民供輸數年內地不知有兵糈事至其規畫  
悉中機宜每有傳諭批示尚未達甘肅而廷桂郵  
牘至適相脗合者叙平定準噶爾功予騎都尉世  
職旋晉三等忠勤伯賜雙眼孔雀翎紅寶石頂四

團龍補以示寵眷二十三年冬督辦軍需赴涼州  
抱疴日劇猶勉力視事邊地少良醫布政使蔣炳  
奏聞即遣額駙福隆安挈御醫往視甫行而廷桂  
已於二十四年正月病故覽其遺疏深以調飭馬  
匹及地方賑務籌辦未竟為憾益足盡傷矣仍命  
福隆安馳往奠醊賜銀萬兩治喪入祀賢良祠即  
令其子襲伯爵并製輓辭四章有云鞠躬盡瘁今  
誠已葛亮而來此一人非斯人不足當斯語也及

平定西域追畫其像於紫光閣余親為之贊云未  
同凱宴痛惜曷任至今思之猶為隕涕云

西陲用兵時軍需信要務統勲既罷斥

劉統勲為陝甘總督開阿逆之

變議棄巴里坤恐其搖惑軍心即罷斥逮治而以黃廷桂代之籌辦軍務始得其益

特用就熟路

擘畫實盡勞諸事皆弗誤而以民為重從不加征賦遇  
災仍賑卹入告直陳故可比主吏蕭關中勤供輸以此  
論功勲章服錫異數為政頗尚嚴赫赫名久著然而公  
無私任勞任怨素

兩朝所造就似此誠罕遇

故大學士前兩江總督尹繼善

皇考時擢任封疆余踐阼後存者漸稀惟尹繼善歷年  
最久尹繼善姓張佳前大學士尹泰子也雍正元  
年翰林五年遷侍講兼戶部郎中

命往廣東審勘藩臬兩司受賄徇隱案得實即署廣東  
按察使六年三月以內閣侍讀學士往江南協辦  
河務八月署江蘇巡撫明年二月實授仍兼管河



務八年署江南總督十一年遷雲貴廣西總督乾隆二年秋入勤以父年老乞留京授刑部尚書五年授川陝總督再調兩江兩廣十三年大學士公傅恒經畧金川尹繼善往為參贊兼署陝甘總督廿一年實授兩江總督兼管總河廿九年晉大學士為軍機大臣仍管總督三十年召還入閣辦事三十六年卒於位聞而軫悼即遣皇子奠醊賻卹有加入祀賢良祠滿洲翰林中優於文學兼能通

達政事者無出尹繼善右且以其為

皇考所留貽大臣始終任用之尹繼善公正端厚所至  
以愛民為先務故甚得名譽臨事不動聲色而小  
大悉就理籌畫河工諸務並協機要其待僚屬雖  
若上和下睦然遇劣跡應劾者亦不多寬假以是  
人皆愛而畏之丁丑壬午乙酉三次承辦南巡不  
涉華靡不事科派實能深體余意尤足嘉焉尹繼  
善任督撫四十餘年在內閣僅六載其事蹟多著

於外故仍列之督臣懷念不置而環顧滿洲翰林  
罕有能繼之者益增感嘆耳

八旗讀書人假藉詞林授然以染漢習率多忘世舊問  
以弓馬事曰我讀書秀及至問文章曰我旗人胄兩岐  
失進退故鮮大成就自開國至今任事奏績茂若輩一  
二耳其餘率貿貿繼善為巨擘亦賴

訓迪誘八年至總督

異數誰能邁政事既明練情性復溫厚所至皆妥帖自

是福量輒能詩畧如白

謂居易

倡和亦頗富獨愛馳驛喻

南巡時於山水名勝略涉游覽即行從不留戀久坐而  
景聚亦自不遺尹繼善竊比於馳驛觀山聞之不惟不  
怪而嘉其深合余寓意於物而不  
留意於物之義向每賦詩及之  
知寓意不留

故大學士兼江南河道總督高斌

高斌初為內務府司員雍正四年任蘇州織造六  
年遷廣東布政使尋調浙江江蘇及河南九年授  
河南副總河十年春調兩淮鹽政是冬兼江寧織  
造十一年春

皇考命其就近學習河務十二年春署江南總河余即位後令實授河督乾隆六年調直隸總督十年擢吏部尚書十二年夏授大學士十三年閏七月以大學士兼管江南總河十八年以河員應追核減之項聽其遲延又淮水決邵伯二閘罷職留工自効二十年卒於工念其為宣力舊臣數歷年久予內大臣銜廿二年南巡復念高斌為總河時頗著勞績如毛城舖所以分洩黃流於徐州設水誌必

至七尺始開後人不用其法遂致黃弱沙淤隱貽  
河患至三滾壩洩洪湖盛漲高斌堅持堵閉下河  
亦屢豐其功在民生自不可泯雖張家馬路及運  
河二閘不免果於自信貽誤而瑕瑜自不相掩本  
朝河臣雖不及靳輔較之齊蘇勒稽曾筠殆有過  
之因命與靳輔等三臣同列河壩祠祀復原職高  
斌存心忠厚且以理學自居人頗方正其辦河務  
實能體國抒誠不涉虛偽食報宜不爽乃其子高

恒既以任鹽政時受商人賄伏法其孫高樸往駐  
葉爾羌貪黷藐法勾通奸商盜賣私玉贓逾鉅萬  
且派累回人幾致激變實非情理所應有因即於  
回疆立寘大辟猶不足以蔽辜高斌後人不宜若  
此余雖憫高斌實不能廢法曲貸也其在綸扉未  
久而治河之績彰彰可考因於督臣中致念云

本朝善治河靳輔齊蘇勒斌實可比靳弗徒保工急至  
其於齊也有過無不及

齊蘇勒惟以保守隄工為務  
其於為民大局初不計也惟

是閉三壩自信過於力下河曾受福異漲害亦迫

高斌力主

堵閉三壩下河固受其利然狃於成見雖遇清水盛漲亦執而不變癸酉秋洪湖異漲其自高堰五壩洩下之水高寶兩湖至不能容高斌仍不肯啟放車邏南關等壩致洪流衝哭潰決隄岸不特下河被災甚重即瀕運河之高寶各州縣亦胥受其患

則咎有攸歸固治高斌之罪

用此抵以罪勸懲國之

則然終諒其心與祠復原職壬午復南巡清口親定式

預拆東西壩頻年已受益

壬午南巡閱視清口因於高堰五壩定水誌如清水比誌

增長一尺則拆清口東西壩十丈視其增長尺寸隨時展拆兩壩俾宣洩有資為釜底抽薪之計及水減退仍按誌以次鑲築酌留口門二三十丈自定水誌以後河臣如法展拓清口連歲有收下河受益

昨秋黃



河決洪湖漲因逼無已徐啟壩未至衝潰棘

昨秋豫省黃河浸溢

歸入淮河勢甚浩濶計洪湖必不能容納因先事綢繆傳諭薩載以次展拓清口並於各開壩酌啟洩水薩載遵旨盡展清口東西兩壩六十丈又先啟山盱智信兩壩復啟仁義禮三壩並將南關車運昭關各壩同時開放運河兩岸始保無虞雖下河不免稍被偏災然減下之水較之衝決勢緩故為患不至太甚且豫籌賑卹民皆安堵惜高斌當日未能見及展拓清口及啟放開壩致有癸酉之失也使斌而有知應歎

初未識

故大學士兼兩江總督高晉

高晉大學士高斌之姪也初任知縣洊涉山東運

河道乾隆十四年擢山東按察使明年遷安徽布政使二十年擢安徽巡撫尋協同白鍾山辦南河事廿六年授江南河道總督三十年擢兩江總督命統理總河事三十六年授大學士仍管兩江總督兼總河高晉歷封疆三十年勤以奉職誠以任事尤能整飭吏治盡心民莫吏不敢欺而民愛之盖由縣令起家於下情無不深悉故也其於治河頗步趨高斌效其純而去其偏故無少愆失凡修

防疏築諸事皆實心經理當今曉河務者無出其  
右昨秋豫之祥符儀封黃河漫溢奪溜堵築非姚  
立德等所能任因勅高晉率南河諳練將弁馳往  
董治乃兩處漫工屢塞屢開績久弗就高晉憂惶  
成疾日益危篤尚書袁守侗郵奏即遣侍衛攜太  
醫院使往視並諭以安心調理醫至甫數日竟不  
起聞而軫悼優卹有加入祀賢良祠並為輓詞惜  
之高晉老成敦樸體用兼優實督臣中之傑出者

雖為閣臣而未辦閣務故仍列於督臣高晉齒雖  
長余數歲而精力未憊冀尚可資倚任不意其遽  
以勤事歿深嘆賢臣之淪謝矣憶余初踐阼時大  
臣皆長於余且多

皇考所簡用今則舊臣竟無一人即有長於余者悉余  
所拔擢而年小於余者亦間有彫零此懷舊之詩  
所為作也

從來擢督撫德才量

去聲

並重以此下僚中

平聲

百不一二

中自知縣起者臻斯必超衆晉也實其人故悉下情洞  
更兼習河務要任久倚用乃以治河決來豫屢稽功叶  
憤懣因致疾不起誠堪痛歷歷懷舊臣中外資經綜而  
予未息肩籲俊期與共

閱武

久矣茲偃武慎哉尚詰戎備而期不用習以待成功履  
地雲梯捷連環火器雄按勞行賞遍士氣鼓薰風

賜兩江總督薩載

兩江總督例兼河任重事繁資是叱晉也昔聞家訓在

高晉大學士高斌之姪習聞家訓諸習河務因簡任兩江總督兼管河務十餘年

載今能集衆

思羅幕開建業亦無忝川改陶莊有足多

陶莊引河自康熙己卯

南巡時即

命開治而河臣率以為難因循未就

及薩載履任入覲時面諭赴工察看伊即力請開挖引河與余意合遂於四十二年二月奏報工成引河暢達  
形勢甚順等語因文部從優議叙給與世職以示獎勵  
識要輸誠更何諭所期軍肅與民和

賜蘇州巡撫楊魁

久曾為府道上下習嫻知必不喜趨奉更當體溺饑於

奢儉應示既養教毋遺勗爾勤本務周忱有往規

賜總河李奉翰今調河東總河之任之作

耕當問僕世勤司

奉翰父李弘曾為南河河東總河

簡任南河兩載斯

特以豫工須善後因移東省藉深知

江南河務雖繁於河東而豫省善後

事宜緊要李奉翰久任河官較為諳習至南河本要任而現在安瀾工程穩固又有薩載兼管陳輝祖隨同辦理自可漸臻熟悉因將二人對調行以無事莫過慎防以其先豈在奇

尚此合龍盼佳信關心遙望引愁思

賜大學士仍管浙閩總督三寶

海疆浙閩重幕府簡猶難必也知大體寧惟期小安暴  
除艱廢猛衆得允於寬節相權資理徐歸黃閣端

閱武

祖制真垂遠杭州駐八旗

鴻猷惟慎矣武備可疎之既練仍應閱雖安不忘去聲危

未曾御弧矢

弓矢為我朝  
衛等較射習勞凡

家法即位以來每率侍  
閱武必親御弧矢示衆

自壬午年臂痛雖馬射如故而罷步射  
者十餘年矣每追憶前事不覺悵然

臂病久慙斯

閱江寧旗兵



詰爾方行寓覲光閱兵江表武維揚微風不動旌旗肅  
曉日偏增組練煌煌問俗此時思繼述駐防

當日意深長毋忘爾祖國之蓋禦侮曾茲隨豫王

按豫王執明福王平江南其功不可泯戊戌春有旨  
申雪罪愆並復其舊封號配祀

太廟凡以旌前示後勵我宗潢而彼時隨王折衝禦侮  
皆我八旗子弟兵今茲駐防江寧者或尚有其曾元  
也

書扇賜大學士阿桂時在蘭州剿回寇

邇日書詩經

曩時曾書詩經全部並指示畫院圖之間亦涉筆茲重觀之覺書法未臻因復手寫

一通易之適書至小雅北山從事賢勞經營四方之句不覺繼懷于役者之勞云

北山什重勘

即事懷賢臣于役頻再三江河資畫策逆回茲剿陷

大學

士阿桂於上年臘底命往浙江閱勘塘工今春並令由江南至河南查辦河務時值甘省匪回肆逆遂命由豫取道赴甘會勦近雖屢奏勦殺賊匪并於賊人所佔山梁四面拿卡圍逼賊勢窮蹙待斃而歲事捷音尚未奏到懸望日徒以恃險守絕壁及深塹密圍待坐困報功甚一日耳信遲欠憤懣爾我同賢勞久煩懃卿無父母憂予有股

肱念賜扇藉解炎是用五字挾

兩江總督薩載奏報得雨詩以誌慰並書扇賜之

江南夏五插秧時一歲農功最要期早月霑膏閏餘望

高田需澤次時遲

薩載奏上江地方南路雨水充足中晚二禾紛紛插蒔北路桐城合肥滁

州一路地勢高阜自五月廿四廿六等日得雨後高田不無望澤正擬設壇祈禱於閏五月初八九等日甘霖大霑入土約有一尺山鄉得此透雨均可不悞三時哉插云按農書夏至後半月分三時頭時三日中時五日末時七日也

甫商祈雨為

去聲

民請遂得霑霖荷

吳慈接閱黃綾封事報誠忻誠懼諭鄉知

題弘旰山水畫二幀

竹徑通幽萬个青  
豁然開朗有溪亭  
主人欲寫湖山趣  
會以神非會以形

右竹閣臨流

楓溪幾曲水潏洄  
攬景沿流一棹開  
未肯秋風吹落葉  
恐妨杜句涉重儻

右楓溪縱葦

閱火器營兵因成六韻

火器誠要用營居築水濱

火器營建自乾隆癸巳年此地濱長河以其去城市遠不

致衣食侈費一  
意習勞肄武也

欲因遠城市可以致精純萬礮齊聲發

千軍一志溥武成斯敢忘律在衆胥導幼習義猶美

火器

營兵紀律整齊技藝嫻熟其十歲子弟演放進步連環  
鎗者亦能如法幼童即能如是亦可嘉尚因令偏加賞  
賚以示  
獎勵勞思善亦真旌勤徧加賞教養總須均

### 過南嶺閱健銳營肄武作

健銳置營久遠奢俾習勤

香山初置健銳營選八旗精壯子弟列營聚處其地遠隔

城市奢華於習勤  
肄武尤為有益

從來出桓趙屢藉建功勲

營中官兵屢經調派

出征最稱勇敢平定西陲及兩金川均著勞績

是日觀操練果然超匹羣賞因

旌善布等第要明分

四月二十一日親閱健銳營烏鎗弓箭及馬上四鎗四箭并各種技

藝俱能嫻熟超羣因命頒賞其超衆者加倍賞給以示優獎

### 閱武

不黷還勤詰由來經國常因乘駐鑾暇遂閱訓練方分

翼登梯壘

健銳營習雲梯馬步射烏鎗諸技最為精練每校射時雲梯兵按旗分翼賈勇先登尤稱

捷超總戎試射塲

是日適壽春鎮總兵朱敏重慶鎮總兵馬鎮國來覲因命試射以觀其技練習

否未能親示度略覺惡無遑

向年每閱武時必先親射以示觀法自庚辰臂病後

步射艱於持滿命中每引為愧屢見於詩也

### 閱武

長河右岸畔火器建兵營俾以隔城市因之致銳精

火器

營於乾隆癸巳年移建西頂左之長河岸別為一營以去城市遠得專心習勞肄武也其演放進步連環鎗法有童而習之者每緣路便閱亦欲賞兼行

近年每緣往西頂路便簡

技藝最為精熟閱分別賞賚既示獎勵亦於旗人生計資益也

恰值貴山覲攜觀廣甸呈

哈薩克阿

卜勒比斯適遣其子噶岱來覲於四月十三日在山高水長賜宴賞賚後因於十五日亦命隨至教場與觀操

演

旌旗壯風色組練耀曦明三進轟雷發

大閱九進始發連環鎗斯

為日行小操  
故三進即發  
雙馳雄電爭無過小隊試非詡遠人驚然

寓詰戎意毋忘保泰情

醉克勤郡王園寢疊戌戍詩韻

讓帝之冢子首陳推戴心

克勤郡王岳託禮親王代善之長子也有謀勇多戰功天

命十一年八月

太祖升遐岳託與弟薩哈璘以

太宗有聖德密議推戴告其父代善曰國不可一日

無君

四貝勒才德冠世深契

先帝聖心衆皆

悅服當速繼大位代善曰此吾夙心也乃夜作議書翼

日偏示諸貝勒大臣於朝遂定議奉

太宗嗣位又

於天聰時奏請善撫降人及請於山海關通州燕京三

處急圖其一以定丕基

太宗嘉納之崇德三年

命為揚威大將軍與睿親王分道征明所向克捷以



疾薨於軍

太宗聞之驚慟輟膳三日

詔封多

羅克勤郡王康熙二十七年

聖祖為立碑紀功乾

隆四十三年以王後改稱平郡王

忘家惟為去聲國力勇

復還原號並令配享

太廟

更謀沉我

祖所嘉許予躬應奠臨

闕宮教配享彰善意猶深

賜奠功臣揚古利墓

別部自為長

揚古利姓舒穆祿氏其父郎柱本庫爾喀部長也

來歸識

聖人報讐甫十四

郎柱率所部人歸我太祖遣子揚古利入侍尋郎柱為部人所害揚

古利手刃父仇時年甫十四  
任尚主馬每從征伐身先士卒

太祖深異之曰見信  
詔之止亦不止或

力戰被傷猶裹創奮擊以故功最多前後大小百餘戰  
俘獲無算崇德初從征朝鮮中礮傷歿

太宗親臨

慟哭視含斂追封武勲王順治中配享  
三十九年

御製碑文紀其功雍正九年加封號曰

英誠努力以終身所重心惟赤更兼勇絕倫

鼎湖伴咫尺千載會

精神

賜奠功臣費英東墓

薩爾訥之戰衝鋒首建功

費英東姓瓜爾佳氏先世為  
蘇完部長 太祖初從其

父索爾和率所部來歸授一等大臣尚主佐理國事薩爾訥之戰明經畧楊鎬率四路總兵杜松馬林李如柏劉綎分將來犯杜松駐兵薩爾訥山巔費英東率所部衝破其軍死者相枕藉杜松戰歿已而馬林劉綎兩軍皆覆李如柏遁歸是役也明以四十萬衆分道來犯五日之間殲其精銳殆盡勢如破竹實費英東首功云

遂成破竹勢真是冠軍雄獎善戒其惡

費英東性忠直敢言獎善黜惡

無所撓避我

太宗嘗諭羣臣曰費英東見人不善

必先自斥責而後劾見人善必先自獎勸而後舉故被劾者無怨言被舉者無驕色未聞諸臣以善惡直奏似斯人也天聰初配享太廟順治十六年追錄佐命

功第一晉三等公世襲康熙三十七年御製碑文表其勲乾隆四十三年以費英東為開國功臣之冠特

晉封一等公

懋謀濟以忠

二陵近相望

來往會雲風

賜奠功臣額亦都墓

自古逢開創必資英濟臣白山

聖人作東海卓材彬

額亦都姓鈕祜祿氏先世居長白山幼時父母為仇所害年十三手

刃父仇避居嘉穆瑚村依其姑會

太祖過額亦都

識為真主辭姑從行驍勇善戰能以少擊衆所向克捷

嘉爾忠秉素寧惟勇絕倫

額亦都性忠誠勇敢嘗督兵攻巴爾達城值渾河漲以繩

聯軍士魚貫而渡夜率銳卒攻城守者驚起殊死拒額亦都跨堞戰飛矢貫股著於堞揮刀斷矢戰益力被五

十餘創不退卒拔其城而還其忠勇類如此用兵四十餘年每克敵受賜輒分給有功士卒不以自私天聰元年追封公配享太廟順治中建碑墓道以旌其功康熙七年特爵其子遏必隆為一等公榆佳域護

一德永相親

賜奉天將軍永瑋

將軍雖鎮守要任勝其他

故國屏藩寄長謀教養多一身為表率六部視平頗聖祖曾孫爾勤劬當若何

賜吉林將軍慶桂

連疆因覲謁扈蹕日趨隨雖未父書讀

慶桂乃尹繼善之子繼善詞臣

出身慶桂由

父蔭得官

猶存世德規俾之習政事

曾在軍機處行走

已可

鎮邊陲夫子訓孟武其言汝尚思

慶桂多病且尚有生母故訓之

示盛京五部侍郎

陪都制度規京國五部原應各備官

盛京為陪都重地準京制設立五部

堂司官而吏部銓考則專統於京師

惟一合思鮮咨度

入聲五部各止一侍郎

統羣

當念倍艱難

一部之中雖不似京城分各司然亦有郎中員外等官為不少矣

雖云漢

語易清語

今人率以漢語為易而以清語為難

莫尚新觀忌舊觀

承平日久旗人

習漢語者多能清語者反少朕甚憂之盛京為國家根本大臣等當董率官吏旗人熟習國語敦尚滿洲淳樸舊風毋令沾染漢人習氣競尚侈靡也

明季末流茲遠異

明季陪京設部院諸寺監雖為

投閒置散之地而樹黨分門互相攻擊甚者託名直言遙制中朝者有之以致言愈紛而政愈亂日引月長以及明亡我朝陪京五部各盡其職從無明末惡習是亦祖宗良法美政足為憲典也

欽哉六計

表衣冠

賜山東巡撫明興

布政黃圖治有效教巡山左撫而安官方弛後整非易

山東自前任巡撫國泰貪蹟營私布政使于易簡扶同欺隱以致吏治廢弛倉庫多有虧缺因令徹底清查勒限彌

民隱災餘救更難

自辛丑豫省青龍岡漫口黃水

被淹較重屢降旨加恩展賑並飭令地方大吏率屬實力妥辦毋致一夫失所賑恤逾年費弗

靳被災較重之州縣既降旨撫恤又以自昨歲二月合

龍後該處低地未能全涸復屢頒諭旨加恩常予賑濟直至今歲閏三月為止俾災黎得資接濟即多費帑項弗計也

惠鮮僻壤力應殫時

巡夏諺義斯重供帳寧須飾美觀

賜兩江總督薩載

節度江南歷多歲練於吏治悉河工惟應益慎勤諸事



勿以已知懈一躬不患士文武莫弛欲求民裕儉當崇  
久而敬者晏平仲絜矩為師爾我同

賜安徽巡撫富躬

分巡歷十年擢撫自承宣

富躬由吏部司員歷任道員  
十餘年嗣由廣西布政使擢

授安徽  
巡撫

無礙馮唐老應思黃霸賢鮮平民慎於後疎獄

戒其前

上年冬該省潁州府阜陽縣有監犯王剛  
等反獄一案富躬以失察降為三品頂帶速反

勤諸政休因扈蹕延

賜江南總河李奉翰

南河任久熟經權每助豫工更力宣常近危仍勵汝志

前因李奉翰熟悉河務命往豫工堵築青龍岡漫口壬寅四月初十日壩工已掛纜合龍十一日壩工陡罄李奉翰督率人夫搶救轉身時金門裂縫數尺李奉翰失足跌入被門纜掛住傷胷夫役救護得全大學士阿桂奏到深為憐念茲迎鑾境上因其河工勞績茂著賞給駙都尉世職即令其子鑾儀衛治儀正李慶徵承襲以示優

不辭勞實致予憐而今河復雖無事益謹隄防戒有愆兩字官箴爾其聽身惟勤與志惟虔

賜漕運總督毓奇

驄馬巡漕運恰遭河決危

毓奇由給事中派出巡漕旋擢內閣學士仍兼巡漕值辛

丑青龍岡漫口尚未合龍毓奇往來  
督察漕運無悞因擢授漕運總督  
贊參頗中要來往

不辭疲遂命令職領幸當故道隨幫期速踰月昨歲據毓奇奏

漕船尾幫於十月二十三日全數渡黃核計各幫  
回空抵次較常年可早月餘等語所辦甚為妥速  
儘力

更逢時

### 賜浙閩總督富勒渾

武林曾昔撫而巡開府茲教統浙閩祇以迎鑒來隔省  
又看閱歲會今春漫勤供奉水及陸應免調和軍與民  
識大體毋苛小節思之莫忘誨諄諄

閱杭州旗兵

已此百年久駐防侵尋風氣漸如杭一齊傳耳誠何益

衆楚咻之義可方

今各省駐防旗兵其清語率皆生滋然音律尚不致大錯設令其漢語則

與本地漢人無異風土所習染亦無可如何然必不可令忘清語也

何事弗厘返舊俗無

思不服緬

前王命皇子射聊示衆老弗躬為慙莫遑

閱江寧旗兵疊庚子詩韻

湔過旌功史重

去聲 國初平江南執明福王寶豫王之聲 功戊戌春曾降旨申雪前愆復還

封號配享

太

廟以旌前勞云

復封陪享偉勲揚祇今江表文風盛

惜昔關東

武德煌一日備寧聽其弛八旗駐實慮猶長偏安南渡  
原堪守即境惱淫惡福王

按福王監國江寧勢雖危弱然果能念亂圖存卧薪  
嘗膽未嘗不可苟延歲月如宋南渡之偏安而乃信  
任馬阮惟聲色是耽以致淪胥莫挽我豫王乘霧渡  
江援師悉潰其底滅亡實自取耳

賜陝甘總督福康安

卷前五

庸臣姑息養癰

癰 辛丑年甘省逆回蘇四十三滋事時李侍堯正獲罪在獄念其平素尚能

辦事因棄瑕錄用復投為陝甘總督一切善後事宜責成經理詎李侍堯姑息養癰於四十六年即有邪教回民修理石峯堡之事又於上年五月葺治堅固且敢公然糾眾聚集禮拜寺謀逆一切旗幟帳房器械種種齊備夫逆民蓄謀至三四年之久而李侍堯安坐省城竟同聾瞶其始終貽誤實為百喙難辭 邪教倡

回民弗寧是用興師發健銳

本年四月邪教回民田五等於小山起事謀逆時李

侍堯在靖遠逗遛以審辦賊黨為名並不親帶官兵設法剿捕迨賊人兩次翻山逃竄復肆行煽誘擾害良民屢經嚴旨訓飭李侍堯始往軍營彼時即料其必不能辦理妥協因命福康安為陝甘總督同海蘭察帶領已

國魯侍衛等馳驛先往督辦又命大學士阿桂尚書復興挑選健銳火器營精兵二千名帶往剿賊以期迅速

藏

遂因易督奠生靈前旌早已奪要地

省福康安甫到甘

蘭察籌勘進兵路徑即將偵探賊匪擒殺并奪取牲畜器械隨由隆德進剿底店帶領巴圖魯侍衛督率官兵奮勇殺賊數百名生擒三十餘名直搗石峯堡所調各路官兵亦俱到齊聲勢壯盛四面圍堵賊巢設法進攻斷其水道賊勢窮蹙已似釜魚檻獸計日可殲除淨盡該省民情安貼惟慎籌善後事宜永期綏靖耳

路真稱臨福星善後猶應慎籌畫聽無聲免視無形

### 閱武

健銳雲梯營實自戊辰始事因伐促浸

促浸即大金川

歸降宥

其死厥後乃背盟猖獗構禍起終滅兩金川

自戊辰歲於香山置

健銳營訓練八旗勁旅屢調出征勇最素著平定兩金川實資其力

興屯晏久矣誠資衆

軍力亦藉訓練耳準夷及回部蕩平胥賴此

健銳營列伍萃處地

遠京城無習俗外誘技易精勤平定準夷回部時用之俱著成效

實勝寺有碑績纂

文皇美

昔我太宗文皇帝以偏師破明兵十三萬於松山杏山歸而建實勝寺於盛京以昭功

績前此已已歲金川凱旋因就西山舊寺葺新之名曰實勝寺用紹前光詳見實勝寺碑文

所以

每駐茲閱武遵

前軌既用示詰戎兼以行賚予

叶使銳營鳥鎗弓箭及馬上四鎗四箭各種



技藝俱能精熟即十歲以下幼童亦有能嫻習者每親臨閱視命分別頒賞其起衆者加倍賞給以示鼓勵所為豈徒然不出敬勤理

書扇賜陝甘總督福康安

山莊風土好時若雨暘和以此起居適竟加飲膳多新

疆勞跋涉諸政藉規磨

前令福康安往關外玉門縣屬惠回堡查勘地震偏災優加撫

恤並修築土堡營房一律完整事畢後又赴巴里坤會同都統奎林查勘該處能否加兵屯田妥籌定議俾永遠遵行復憶及去歲福康安剿捕逆回一事書扇思去

成功迅速深可嘉尚因賦此什書扇以賜

歲嘉鄉耆定歌

裕親王廣祿八十生辰賜詩為壽

念我同

曾有幾人老來益與老年親春秋較長

上聲

正五歲福祿

駢臻值八旬善射兄今遜筋力

裕親王為孫今年居八十長於余

世祖曾

五歲向曾管理十

五善射嫻於弓矢

習蒐予尚勉精神兒孫拜合坐而受

今年六月二十七日為王八十生辰特遣皇八子永璚帶領皇孫繇惠繇德繇志繇懃齎御製詩章及扁聯如意冠服等件往賜並令永璚等與王行禮王應坐受以見我朝

家法隆禮親賢至意

佳話天家

貽萬春

伊犁將軍伊勒圖病故詩以惜之

伊犁廿載宴邊陲不動色聲靜鎮之充國屯田誠制勝

昔漢趙充國為後將軍議罷騎兵萬人留屯田條便宜  
十二事宣帝從其計羗人降者三萬餘蓋伊犁自平定  
準噶爾回部後屯政大開烏魯木齊等各城命大臣分  
駐經理屯田民戶日增兵餉不費行之二十餘年天時  
順成地利壑闢各該處屯田頻年  
大熟皆伊勒圖總理得宜之效也  
子儀召飲感無欺

唐郭

子儀鎮河中時僕固懷恩叛誘回紇吐蕃等三十萬衆  
犯邊子儀隨數十騎免胄見之責以大義回紇等咸捨  
兵下馬拜曰果吾父也即召與飲遺之錦綵結誓如初  
茲伊犁自準噶爾回部平定以後伊勒圖為將軍馭以  
誠信額魯特回部等皆安居樂業寧靜守法與內地編  
氓無異如哈薩克之阿布賚阿布爾比斯及其子幹里

蘇統罕和卓等皆敬禮伊勒圖或呼為父此固國家德威遠播亦由該將軍威名素著也長城萬里

外萬里柱石念茲允在茲分我憂心西顧久優恩施那

減心悲

伊勒圖坐鎮伊犁垂二十年撫綏額魯特及回城諸部寧謐免朕西顧之憂昨聞其患病特遣

御前侍衛公豐仲濟倫帶領御醫前往診視冀其痊可茲遽聞溘逝深軫於懷因降旨晉贈一等伯即令其子世襲仍賜銀一千兩經理其喪令豐仲濟倫前往致奠並照公爵給與卹典以示優眷

### 賜大學士伍彌泰

少長余一歲看如長我年依然可綸贊何必說車懸步

履昨稱蹇

伍彌泰昨歲因染微疴艱於步履今調養數月精神已復舊矣精神今復痊

願留二三老作伴廟堂賢

賜山西巡撫伊桑阿

首善旬宣職稱

去聲

其中丞巡撫命臨茲巡惟吏治獎毋

懈撫在民艱隱莫遺期俾閭閻獲安彼底須共張

去聲務

勤斯斌之修已晉之政胥汝家風勉效為

題唐岱寒山萬木圖

畫院當年供奉人識其筆意此誠真喜其已落人間久  
又入石渠弄賞頻

陝甘總督福康安奏甘省時雨普霑田禾有望詩

以誌慰並書扇賜之

甘省年來若雨暘福星民幸慶安康因知往歲官為蠹  
向年甘省因王亶望捏災冒賑歲歲報旱而實無旱侵  
蝕監糧各屬從風效尤及事敗露大加懲創分別治罪  
詳見辛丑年  
言志諸什  
並識協時政貴良高下田胥霑澤渥東西

河可卜秋穰

據福康安奏據蘭州鞏昌平涼慶陽寧夏  
西寧等府秦階涇等州所屬於四月中下

旬並五月上中旬各報得雨深透麥豆青稞暢茂秋禾  
早者出土遲者播種齊全其甘涼肅州等屬亦於五月  
十六七日得雨並賴渠水溉潤禾苗滋長陝西夏收豐  
稔通計九分現在雨水均調秋田長發民情欣悅至寧

夏各渠壩牘加砌暨增築高厚之處均一律趕辦全完  
放水倍加暢駛上下田疇澆灌齊足等語甘省向來控  
灾冒賑自福康安抵任後一洗積弊且年  
來雨暘時若轉歉為豐深慶封疆得人也  
慰心書策遙  
為賜布我薰風敬以覆

### 閱武

健銳營茲駐今將四十年雖安不忘耳得力則誠然  
戊辰

歲於香山置健銳營訓練八旗兵丁素稱精銳從  
前平定準夷回部大小金川屢經徵調實為得力  
詎獨

驍騰捷所嘉心意堅  
滿洲兵臨陣以退縮為恥不似綠營懦怯惡習往往有兵不顧將脫

逃之事茲因臺灣逆匪林爽文等糾眾不法調兵進剿  
乃因黃仕簡任承恩二人觀望誤事以致賊勢鴟張總

兵郝壯猷所帶兵丁遇賊潰散退回郡城其畏蒞失律罪無可逭若綠營弁兵俱能如八旗勁旅奮勇堅心埋根前進自當早獲

間因示戒詰亦以寓恩宣

香山地遠京城健銳

營列伍萃處無外誘習氣故能操練精熟每駐蹕此地必親臨閱視分別頒賞其中技勇超衆者加倍恩賚以

勵

示鼓

### 閱火器營兵

火器營分建長河兩岸濱

癸巳年於西頂北之長河岸建蓋營房移城中火器營兵

之半於此居之其地去城中稍遠俾得專心習勞肄武技藝益臻純熟

俾之遠城市益可

致精純九進閱真練

每大閱火器營操演九進始發連環鎗其日行小操則三進即發



六韜匪漫循雲梯一例賞施惠本應均

昨駐靜宜園閱健銳營兵分別

頒賞茲來閱視非徒簡其技勇亦所以均恩賞也

### 閱武

巡方之所重詰武及修文昨已試諸士今應閱衆軍熊羆分列隊驚雁聚成羣原可百年偃休疎一日勤酬勞略行賞合度亦堪欣敢曰瀛氛靖戒安意正殷

### 賜兩江總督書麟之任之作

入覲剛逢六轡琴遂隨安福

御舟名

析津臨歙徽災務紓

予念

乙巳上江安慶徽州等府被旱書麟時任安徽巡撫督率所屬辦理賑恤事務頗為盡心俾災黎不

致失所實

廉謹家風望爾任

書麟之父高晉前為兩江總督廉謹有為令書麟擢

授此職亦當勉繼家風庶不辜予簡任之意

漁舍蝸廬非異景

龍陵虎阜憶

前吟謂卿此去推行好寄我懷民一片心

### 賜山東巡撫長麟

連疆因接來駐蹕許追陪去完消塵案

長麟任山東巡撫頗能整頓地

方嚴切緝捕上年十二月連次拿獲積年賊匪巨窩捐職運判田玉堂及包五李德明等三案并賊犯二十餘名戢匪安良具見實心任事已即交部議叙以示獎勵

有猷真幹材逢年幸同慶

上年各直省俱獲有收山  
東據報收成九分有餘

元氣要深培五字非虛譽爾

惟益勗哉

### 閱武

輕輿清曉過南山閱武旌勞未可剛所愧躬倡

平聲

未乘

騎

昔年閱武必乘馬至教場或親御弧矢示之身先之道固應如是近以年近八旬雖精力尚健亦宜節勞

以從衆愿遂乘輕輿以往究用自愧云

敢忘衆力近平蠻

自立香山健銳營以來屢派出

征屢有成效上年臺灣逆匪滋事先派翼長等八人前往領兵打仗後復簡派巴圖魯百人隨福康安等進剿果能迅奏膚功實為奮勇出力然予心益深兢惕詰戒之念未敢一日忘也

益當克詰訓惟

懋並視等差賞以頒莫謂例行託遊豫無非事也政胥

闕

賜凱旋將軍福康安參贊海蘭察等宴即席成什

去年此際未登程歲績今朝凱宴迎來往算仍先一月

福康安於上年八月初旬由山莊奉命前往督剿驅馳  
今以七月望後凱旋來此復命計期尚未及一年

真是賴羣英國威海嶠揚惟烈

祖德山莊佑實明迴憶肝宵斯擘畫不徒勞耳慰猶誠

慰中豈不自懷慙何致愚民蹈法甘論武邊防乃就弛

曰文諸吏率為貪

臺灣設立總兵道府大員如果皆能實心整頓奸匪何由匿跡乃武職不

以操防為事文職專以肥橐居心於是彼此牟利遂致吏治兵防日以廢弛而逆匪無所顧忌竟至釀成大案

債轅方悉誠吾過伏鑽奚辭信彼堪

逆首林典文等滋事之始總兵柴大

紀始則以回郡調兵為辭繼則遷延不即前往剿賊方以困守諸羅邀予憐憫及福康安等至彼方悉其債事之由已令革職拿解治罪彼實不能巧言置辯也善後雖云大端定猶餘厘念

望東南

福康安於平定臺灣後命留彼詳酌善後事宜大端已定惟是有治人無治法因思普吉保於

臺灣總兵名望未足以資彈壓而奎林獲咎尚輕其操守訓練乃所深信即令往代普吉保為總兵庶可望其整勵戎行俾東南

海隅永臻寧謐

善後詳陳十六條用是兩月駐成遙

臺灣善後事宜必得福康安之忠誠

明練方可籌畫及詳陳事宜十六條果皆悉中弊源命廷臣集議准行而福康安歸期以此遂遲兩月抒

猷山海安萬姓錫宴君臣會一朝念汝父當愜懷永視

如子合受恩饒受恩饒處人知否不嗜殺邀

天惠昭

逆匪林興文等固屬罪大惡極然亦有良民被其迫脅者悉予駢誅亦殊可憫瀕行時因即諄

戒以脅從罔治之義而福康安果能體予之心專意生擒渠魁惟抗拒者痛加剿洗凡歸降者概從寬貸即此不嗜殺一念乃其克膺恩眷者也

西域金川宴紫光臺灣凱席值山莊敢稱七德七功就

予自即位以來弗敢輕言用兵然前次平伊犁定回部  
收金川誅王倫剪蘇四十三洗田五及茲俘林興文而  
七要皆不得已而用之故皆仰邀天鑒俱獲成又  
功若唐太宗之修陳七德以為己功則實自惡耳  
報一歸一事償往歲緬甸之役亦由事非得已彼時將  
計日歲事予以水土惡劣憐我將士多

受病者適緬酋亦顯求貸罪遂令撤兵乃二十年來業  
已置之度外近據雲南督臣富剛奏新掌緬甸國事孟  
買進貢稱臣是此一事雖未就於當戒滿持盈增惕永  
年而此日之歸誠亦可償予夙願矣

安民和衆繫懷長養年歸政應非遠益此孜孜勵自強

命於臺灣建福康安等功臣生祠詩以誌事

三月成功速且奇紀勲合與建生祠垂斯琬琰忠明著

消彼萑苻志默移臺地期恒樂民業海灣不復動王師

曰為曰毀似殊致

近年以各省建立生祠最為欺世盜名惡習因令嚴行飭禁並將現有者

概令毀去若今特命臺灣建立福康安等生祠實因臺灣當逆匪肆逆以來荼毒生靈無慮數萬福康安等於三月之內掃蕩無遺全郡之民咸登衽席此其勲績固實有可紀且令奸頑之徒觸目警心亦可以潛消狼戾是此舉似與前此之禁毀跡雖相殊而崇實斥虛之意則原相同孰能橫議且勵大小諸臣果能實心為國愛民確有美政者原不禁其立生祠也崇實斥虛政在茲

題弘旰山水冊

層城十二難為數

上聲

隱隱雲端見玉樓說向世間佞仙



者此中無路漫須求

賜山東巡撫長麟

山左羣黎一何幸屢綏更值撫臣賢所嘉執敬以無事  
不敢放心於有年須識安民在察吏漫勤庖蹕務增妍  
持盈勗爾休稱泰謙鞏惟予亦勵虔

即事

閱武因行賞

自立健銳營於此每年來香山親閱各兵技藝分別賞賚既示獎勵亦資旗人生計

耳

遊山偶答題

是日便中遂至寶諦寶相各寺拈香並詣香林室小憩

遊非騁耳

目閱乃試高低可忘

去聲

百年備惟殷一敬躋黃綾本欲

滿簡用五言提

往年駐此所至率有留題茲因黃綾本將滿所至處未題者多意在簡吟也

題弘旰香山九老圖仍用白居易詩韻

分班各具九之數兩次命遊白者鬚

辛巳辛卯兩年俱以恭逢聖母

七旬八旬大慶因命舉九老之會諸王與在朝文臣為一班武臣為一班致仕者別為一班各得九人令遊香山以副嘉名並冀嗣後

再已幸觀三絕望

辛丑年欲三舉此會而已

不可得追維往事曷禁悵懷

丑惟識悵戌寧娛

今歲朝臣以予八旬萬壽欲請仍舉此典

予以丑歲既不獲遂愿而今豈忍以自娛且諸臣中亦罕有年長於予者是以未允所請

重儻弗忍

宴而樂置去又嫌疎且麤祇以閑餘聊一至尚仍強在

未資扶欲因靜慮省諸詠却撫宗臣舊所圖

圖即貯此香山靜宜

園那更白家較伯仲大都佳話不如無

命將領侍衛內大臣一等超勇公海蘭察入昭忠

### 祠詩以誌惜

本以索倫兵手擒巴雅爾

乾隆二十年大兵進討準噶爾輝特台吉巴雅爾以其屬

降因封為汗及阿睦爾撒納復叛巴雅爾旋附為逆大兵窮追巴雅爾走匿塔爾巴哈台山谷中時海蘭察方為馬甲從軍奮勇獨追射巴雅爾墜馬遂生擒之事聞即擢為侍衛以示優獎因之識英材超

羣侍衛裨感恩益忠勤征戰無不委猶憶伐緬甸領隊

率一旅叶明瑞被賊阻就近欲救彼額勒登額挾仇無

奈為

去聲

所止

緬甸之役將軍明瑞師次猛腊屢戰克勝既而賊偵我孤軍無繼蟻聚抗禦明瑞令

將領分隊以出自為殿後而叅贊額勒登額分駐早塔忌明瑞成功不救以致殞軀時海蘭察聞信即欲往援為額勒登額阻止彼時海蘭察不過一領隊侍衛固不能違叅贊之號令徑自赴救而其忠誠於此益見嗣後每遇出征無不簡派伊亦感激朕恩倍加奮勉至其料敵攻戰進退策應悉協機宜伊雖未知書儼若素嫻韜畧者金川奏捷後遂封為一等超勇侯斯則勇兼謀赤心更莫似是後凡

用師洊至叅經理凡戰皆獲勝深明進退揆曾不一字

識每合七畧旨臺灣及廓哈福康安肩比崇爵錫散衣

恩榮薤永祉

丁未臺灣逆匪林興文等滋事命福康安為將軍並令伊為叅贊不數月逆匪悉就

擒獲事藏論功因晉封為三等超勇公賞戴紅寶石頂四團龍褂及此次廓爾哈侵擾藏界仍命伊為贊叅同福康安往討七戰皆捷賊人震讐乞降大功告竣又晉封一等超勇公及去冬回京朕方冀其長受寵恩永膺福祉不意今春抱病未及旬日遽爾溘逝可深擊惜所有飾終令典俱已恩錫既念此次深入賊境山徑崎仄備極艱辛其得病未必不由勞瘁所致尤為憫惻因令入昭忠祠用彰勛績並為宣力効忠者勸胡乃

落將星扼掣惜無已雖非當陣亡昭忠應入祀

昭忠祠建於雍

正年間蓋為將士之捐軀行陣者特加恩恤海蘭察雖非陣亡而其屢著殊勛實合制祀之義但究與治政大

臣有間未可入祀賢良惟祀昭忠祠內在國家式禮酬庸既不為過而伊得光著祀典亦可傳令名於無窮耳  
五字申予懷千秋述伊美

欽定八旗通志卷首之五

欽定四庫全書

欽定八旗通志卷首之六

天章六

皇上御製文

八旗姓氏通譜序

我

祖

宗誕膺

天命勃興東土德綏威讐奄甸萬姓維時龍從鳳附之衆  
雲合響應輻輳鱗集强者率屬歸誠弱者舉屬內附我  
祖宗建師設長以莅之分旗隸屬以別之厥有熊羆之  
士不二心之臣効命疆場建謀帷幄親以肺腑重以婚  
姻酬以爵命迨入闕定鼎或聚居遼左或散處燕畿錫之  
土田爰及苗裔至於今百五十六年生聚蕃衍時萬時億  
累朝休養煦植鞠保胥勤越我嘉師咸能永世以滋大  
朕惟



祖宗德澤之深不可不繼，修令緒，益綿延，惇固於無疆。  
重慮物阜，且博代序，日遠族姓日繁，不為之明章統系，  
俾知世德所自。將罔克念先人之勤，無以光昭前烈。爰  
發金匱石室之藏，徵載籍稽圖譜，考其入我朝來得姓  
所始，表之以地，系之以名，官階勲績綴為小傳，勲舊戚  
畹以及庶姓，釐然備具，秩然有條。與國史相為表裏，昔  
周小史定繫世，辨昭穆左氏內外傳言天子建德因生，  
賜姓胙土命氏，而司商吹律以定姓名，蓋萬物本乎天。

人本乎祖木有根而枝附焉水有源而流出焉譜牒者所以聯人情之渙而維舊俗之漓不可忽也相昔先民遺風敦樸不徒以俗望相高是書之作非如魏晉隋唐譜牒之學炫博聞而廣附會以膏粱閥閱為尚也書曰古我先王暨乃祖乃父胥及逸勤又曰惟乃祖乃父世篤忠貞服勞王家纘乃舊服無忝祖考前之人既以忠實勤勞覆幬其後嗣凡茲食舊德而服先疇者其何以無墮厥緒書亦曰率乃祖考之攸行昭乃辟之有義是

則朕所厚望也夫

新刻稽古齋文集序

吾弟和碩和親王所著序論詩賦雜文曰稽古齋文集者凡若干卷編次於雍正八年秋越今年夏將以授梓來請予書舊所為序弁諸卷首蓋去作序時忽忽十有七年矣予與王幼同學同課習為詩古文詞當是時侍奉皇考膝下優游書府日寢饋於經史文字中世網塵務毫髮不以嬰其心吾兩人者相觀以善交相勉相得

無間如是者垂二十年天倫之樂無過於是集中所載大都至性所呈流溢豪素之表讀其辭可想見其為人也顧予與王同時訂定詩文予以乾隆元年勉從內廷諸臣之請刊布樂善堂文集迄今十有一年王始出是編命梓其遲回慎重不自滿假謙德雅懷足為師法是則予之所深愧而嘉歎為不可及者夫抑予重有感者予自踐阼以來萬幾在御惟日兢兢馭朽臨淵未足為喻雖結習未忘時亦寄懷翰墨求如曩時之暢情專意

上下古今流連陶泳其為樂既不可復得而王亦典旗  
務領內府亮采有邦非復書齋稽古之舊娛意斯文者  
盖亦希矣予每循覽舊作俯仰疇昔未嘗不為之撫卷  
三歎故於王之來請非僅僅重錄原序所可盡其意輒  
復為序之如此王之年日增德日進文日多異時有二  
集三集者出予當以是為例一一為王序之

惇敘殿柏梁體聯句詩序

乾隆丙寅秋八月式宴王公宗室於瀛臺之惇敘殿法

皇祖也惟時朕諸叔父列王爵者四人皇弟封王者二人皇子三人宗室王公有爵者三十二人念我羣從子姪孫姓之同出自

皇祖者或侯封或爵不至與宴之列十年以來未舉和會之典親親之誼踈焉則亦命入今日之座凡六十有二人其以事故是日未至者復五十餘人於戲自黃虞以來有大德者之得其位得其祿得其名壽如我

皇祖者其誰耶即子姪之繁衍雖文王不得尚之使目

前之振振揖揖我

皇祖

皇考式臨式憑予與諸弟兄子姪孫姓稱觴獻壽於其  
間其愉悅鼓舞又當何如歡極而戚固情之所必至也  
然今日之宴會我

皇祖

皇考實式臨之實式憑之諸伯叔父自當以予言為不  
謬也則又洒然以怡焉昔漢武帝柏梁之宴同姓者惟

梁王武及宗正安國而已其餘皆羣臣然尚以此留詩  
唐明皇改集仙殿為集賢齋俊之義尚矣而周親未與  
亦闕典也朕今易崇雅為惇敘以紀今日之事復倡為  
首句以俟衆作之成凡今茲之拔藻得句者皆我

皇祖

皇考遺教之所垂也又何必舉金谷之例乎

紫光閣五十功臣像贊

有序

西師之役賴



天佑乘時運資衆力拮据擘畫幸底厥績固非予一人  
所敢逆料敢期必也然稍可以謝衆論愜深衷者  
無他則以賞罰信而應機速耳語云日中必彗操  
刀必割言應機宜速也書曰罪疑惟輕功疑惟重  
言賞罰宜信也機之來發於無窮之源而應以萬  
變之極蓋難言之若夫信賞罰似非難事而亦有  
所難者則以不能因物付物有所容心於其間耳  
且罪疑而後從輕若不疑而亦從輕則偷生者何

懼焉功不疑而從重其理固當然涉疑而屢從重則冒賞者生心而真功反有向隅者矣是知疑不可也夫不疑而功惟真功賞斯重焉罪惟真罪罰斯必焉則捨命灰軀冒矢石投鋒鏑之倫孰不勸以懲乎茲者事定功成寫諸功臣像於紫光閣朕親御丹鉛各系以贊不過譽不尚藻惟就諸臣實事錄之並闡其義如右雲臺二十有八凌烟閣二十有四而此五十人者則以國家中外一統宣力

者衆然此猶舉其尤赫者若夫斬將搃旗建一績  
致一命者亦不忍其泯滅無聞將亦圖其形而命  
儒臣綴辭焉

大學士一等忠勇公傅恒

世胄元臣與國休戚早年金川亦建殊績定策西師惟  
汝予同鄴侯不戰宜居首功

定邊將軍一等武毅謀勇公戶部尚書兆惠

濟爾哈朗喀喇烏蘇兩番襲迫均保無虞以智濟險以

誠感衆卓哉崇勲闢我提封

原定北將軍一等誠勇公兵部尚書班第

元戎率師平定伊犁而何阿逆叛亂乘危變出不期投  
軀西漠故里櫬歸痛哉酌酌

原靖逆將軍三等義烈公工部尚書納木扎爾  
我懷賢勞命將往代正值黑水猖獗鼠輩以二百衆陷  
萬賊中因緣徇節勇濟以忠

定邊右副將軍一等靖遠成勇侯理藩院尚書

富德

古云福將信有其言所遇均吉勇冠軍門不寧一勇兼  
善於謀吉林拔萃特賜封侯

原大學士三等忠勤伯陝甘總督黃廷桂

外任封疆內司綸綍俾理儲胥經權弗詘殫誠盡智事  
協予心未同凱宴痛惜曷任

叅贊大臣工部尚書舒赫德

屢授重寄亦屢左遷厲厥意懦策厥材賢白衣白水聞

黑水信安衆進援爵秩重晉

叅贊大臣一等果毅公兵部尚書阿里衮

富德入援次呼爾璫趨行戈壁馬不進馬以馬濟軍敵營夜襲同事建績曰鄂博什

原叅贊大臣三等襄勤伯總督鄂容安

世臣知書料善論兵惜弗通語遂弗燭情變起倉卒力戰命畢用違其材實予之失

叅贊大臣一等承恩毅勇公戶部侍郎副都統

明瑞

椒室懿親年少志雄謂可造就俾學從戎獨出獨入既忠且壯屢立宏勲愜予所望

叅贊大臣工部侍郎副都統阿桂

阿克敦子性頗捷敏力請從戎宜哉惟允身不勝衣心可干城楚材繼出為國之楨

原叅贊大臣三等子戶部侍郎副都統三泰

率二百人共詣軍營臨敵而退寧謂忠誠如早聞信何

致殞身不前不後失二賢臣

原叅贊大臣前鋒統領騎都尉又雲騎尉鄂實  
其兄徇節其弟恐使欲報兄讐固請不已黑水之挫復  
以捐身超雪前罪賞延後昆

領隊大臣內大臣博爾奔察

雙鑠請行索倫巨擘挽五石弓尚能殺賊如鷙之擊不  
留飛鳥馬援來歸殊恩榮老

領隊大臣副都統塔什巴圖魯端濟布



將軍黑水先衆徑渡固營待軍實端濟布衆寡稍挫倉卒周防奪回人馬勇且謀長

領隊大臣護軍統領愛隆阿

將門傑種拍張撫髀受將軍檄力戰全歸整師再進賈勇臨堅弟巴靈阿盡節軀捐

領隊大臣前鋒統領墨爾根巴圖魯瑪琿

侍衛從征奇功屢立雖賊萬衆單騎直入陷陣馬仆距躍彎弓賊人咋舌稱天上雄

領隊大臣內大臣副都統巴圖濟爾噶爾

都爾伯特部中傑驍嘉其心直授職本朝凡與交戰義弗返顧師濟和闐不孤恩遇

散秩大臣穆爾德木圖巴圖魯齊凌扎布

旗籍蒙古偏校從軍殺賊則奮鶻入鴈羣與噶布舒分守和闐保衆集事且有謀焉

散秩大臣哈坦巴圖魯噶布舒

躍馬抨弧先鋒鏖陣入俄羅斯得阿逆信和闐既定論

功策勲衣錦歸籍散秩大臣

副都統噶畢雅圖巴圖魯額爾登額

軍門統事諸務勤宣亦能力戰突將無前入拔達山索  
逆猗馘曉諭殊方是其偉績

內大臣鄂齊爾

前無堅對後無返思持稍一呼千賊披靡揚揚英氣洸  
洸偉身與薩拉爾蓋同部人

副都統鄂博什

索倫營總乙亥出師老而益壯頗識戎機厄魯回部胥聞其名聳身馬上如擊兔鷹

副都統圖布巴圖魯溫布

生不知懼戰不知退亦不受傷銅額鐵背弓可擔水箭如鏊鏘溫侯名布是耶非耶

副都統克特爾克巴圖魯由屯

本射生手狼不暇走以之殺賊如探囊取奇功屢建亦因閱歷世職崇階酬其勞績

原副都統騎都尉又一雲騎尉三格

渾齊潛遁疎防降謫從軍贖罪每戰必力黑水殞命豁  
罪論功圖像紫光表忠無窮

原頭等侍衛舒布圖鎧巴圖魯奇徹布

包沁之叛千賊一身賜巴圖魯昉乎斯人從復屢戰喪  
哈薩克始終於是曷勝悼惜

頭等侍衛博克巴圖魯老格

哈薩錫拉叫訖稱亂趨羊適過以計解難後復從軍屢

戰屢進單馬衝突獅子奮迅

頭等侍衛墨爾根巴圖魯達克塔納

庫車圍攻命守要害偵賊來援周防以待賊却乃前賊前乃却引至大隊是鞞是膊

頭等侍衛薩穆坦

厄魯劫運構釁互戕識時拔出致力疆場首被擒選往拔達山譯語曉譬共索馘還

原二等侍衛固濟爾巴圖魯雲騎尉瑞綽爾圖

捉生以出被回所遮衆寡不敵矢盡堪嗟罵賊以死雖  
死猶生時共事者達什策凌

二等待衛哈朗圭巴圖魯塔瑪鼐

聞戰則喜無生有死五易馬進終弗却視身不及膽心  
則乏謀用以衝陣勝五百牛

原二等待衛哈布台巴圖魯富錫爾

三巴圖魯於中之一要遮色楞忽墮其術不及彎弓白  
刃揮霍猶斬數人之死弗却

二等侍衛額爾克巴圖魯海蘭察

烈風掃枯迅其奚難亦賴衆傑摧敵攻堅於塔巴台射  
巴雅爾是其偉績勇鮮倫比

原二等侍衛雲騎尉富紹

黑水築柵未畢賊侵蜂屯蟻襍攘攘林林持將軍令意  
氣昂藏來往慰衆銃殞堪傷

三等侍衛賽音博勒克巴圖魯扎奇圖

狗盜雞鳴孟嘗不棄竊馬何害用人之際間道達檄首



遘斯人雙雄比肩衝出萬軍

三等侍衛什倫哈什哈巴圖魯阿爾丹察

騎二駿馬縱兩神鶻回如瓦雀伏不敢發共扎奇圖左  
旋右抽卒致軍信効力獨優

三等侍衛卓里克圖巴圖魯五十保

軍檄再發更掄五英馳驛逾月迅至北京捨身報國不  
可數算舉其尤者圖形作贊

謹案五十功臣贊內策布登扎布色布騰巴爾珠爾  
爾扎拉豐阿羅卜藏多爾濟係外藩豆斌高天喜

係漢人薩拉爾阿玉錫達什策凌係額魯特額敏  
和卓霍集斯鄂對係回部故惟恭錄傳恒等三十  
首八

命追復睿親王封爵及復開國有功諸王原號並  
予配享諭

睦親彰善王政宜先繼絕昭屈聖經所重朕自臨御以  
來間日恭閱

列祖

列宗實錄一冊因得備知

祖宗創業艱難及爾時懿親蓋臣勤勞佐命底定中原  
偉伐殊功實為從古所未有而當時策勛錫爵榮號崇  
封所以酬答者本從優厚迨其後或有及身緣事旋被  
降削者或有子孫承襲更易封號者迄今平情準理若  
不為之溯述闡揚追復舊恩於心實有所未愜因念睿  
親王多爾袞當開國時首先統衆入關掃蕩賊氛肅清  
宮禁分遣諸王追殲流寇撫定疆陲一切創制規模皆  
所經畫尋即奉迎

世祖車駕入都定國開基以成一統之業厥功最著顧以攝政有年威福不無專擅諸王大臣未免畏而忌之遂致歿後為蘇克薩哈等所搆授款於其屬人首告誣以謀逆經諸王定罪除封其時我

世祖章皇帝實尚在冲齡未嘗親政也夫睿王果萌異志則方兵權在握何事不可為且吳三桂之所迎勝國舊臣之所奉止知有攝政王耳其勢更無難號召即我滿洲大臣心存忠篤者自必不肯順從然彼誠圖為不

軌無難潛鋤異已以逞逆謀乃不於彼時因利乘便直至身後以歛服僭用明黃龍袞指為覬覦之証有是情理乎况英親王阿濟格其同母兄也於追捕流賊回京時誣報李自成身死且不候

旨班師睿王即遣員斥責其非並免王公等往迎之禮又因阿濟格出征時脅令巡撫李鑑釋免逮問道員及擅至鄂爾多斯土默特取馬令議其罪降為郡王平日辦理政務秉公持正若此是果有叛志無叛志乎又

實錄載睿王集諸王貝勒貝子公大臣等遣人傳語曰  
今觀諸王貝勒大臣但知諂媚於予未見有尊崇

皇上者予豈能容此昔

太宗升遐嗣君未立英王豫王跪請予即尊位予曰爾  
等若如此言予當自刎誓死不從遂奉

皇上續承大統似此危疑之時以予為君子尚不可今  
乃不敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗恩育予躬所以特異於諸子弟者蓋深信諸子之成立惟予能成立之每覽

實錄至此未嘗不為之墮淚則王之立心行事實能篤忠盡感

厚恩深明君臣大義尤為史冊所罕覩使王彼時如宋太宗之處心積慮則豈肯復以死固辭而不為邪說搖

惑耶乃令王之後久抱不白之冤於泉壤心甚憫焉  
假令當時王之逆跡稍有左驗削除之罪果出於我  
世祖聖裁朕亦寧敢復翻成案乃實由宵小奸謀構成  
冤獄而王之政績載在

實錄者皆有大功而無叛逆之迹又豈可不為之昭雪  
乎昨於乾隆三十八年因其瑩域久荒特勅量為繕葺  
並准其近支以時祭掃然以王之生平盡心王室尚不  
足以慰彼成勞朕以為應加恩復還睿親王封號追謚



曰忠補入

玉牒並令補繼襲封照親王園寢制度修其塋墓仍令太常寺春秋致祭其原傳尚有未經詳細者並交國史館恭照

實錄所載敬謹輯錄添補宗室王公功績傳用昭彰闡宗勛至意又如豫親王多鐸從睿親王入關肅清京輦即率師西平流寇南定江浙實為開國諸王戰功之最乃以睿親王之誣獄株連降其親王之爵其後又改封

信郡王雖至今承襲罔替但以王之勲績超邁等倫自應世昨原封以彰殊眷豈可以風影微眚輒加貶易乎朕以為應復其原封又諸王中披堅執銳拓土開疆共成一統之業者如禮親王代善後改封康親王鄭親王濟爾哈朗後改封簡親王肅親王豪格後改封顯親王克勤郡王岳託後改封平郡王當時俱懋著壯猷克昭駿烈載在宗盟今其子孫所襲均非始封之名外人不知妄疑宗藩當國家締造時有大勲勞而後裔均不得

長延帶礪似為闕典即其本支承家襲慶以去祖漸遠  
幾忘其先世錫封之由弗克顧名奮效所係於宗室子  
孫者甚重況功臣世封內如揚古利之英誠公費英東  
之信勇公額亦都之果毅公俱以本號相傳其子孫承  
襲者各能溯勛閥以宣偉績不失故家喬木之遺今以  
親賢世胄竟改其初封嘉號何以垂詒奕禩示酬庸追  
本之義乎朕以為應復其原號著交軍機大臣會同宗  
人府悉心妥議具奏其餘宗室諸王貝勒等如有顯著

功績其封爵後經降奪者除本身罹重愆自不當復  
邀優典若係承襲之子孫獲咎議處者僅當斥其本身  
而不當追貶其祖宗世爵方為平允亦著一併會查議  
奏再配享

太廟諸王僅有通達武功慧哲宣獻四郡王其

太祖

太宗

世祖時戮力行間櫛風沐雨之親藩如向所舉數人皆

未之及盖由當時議禮諸王各懷私意遂爾沒其勛伐  
不得同侑馨香豈足以彰公道所有睿親王禮親王鄭  
親王豫親王肅親王克勤郡王俱著補置牌位配享  
太廟用以安功宗而昭渥典至通達郡王係

顯祖之子武功慧哲宣獻三郡王係

景祖之子當時雖身與配享第以三郡王宗支已在覺  
羅宗室王公表傳內亦未立通達郡王傳國史傳又以  
屬在宗潢令此四王無所附麗亦覺缺典著交內閣國

史館補為立傳通達郡王入於宗室武功等三郡王列於國史諸大臣傳之前或當時紀載簡少功績無由稽核不拘詳畧各立一傳以徵信實

增訂清文鑑序

稽古語言文字之傳不能不隨方隨時代為變易將欲觀其會通惟音義兩端為之樞筦獨是施之於繙譯則以字之不得其音而舛者亦以字之強索其義而逾舛嚮評通鑑輯覽糾前史譯本失真則有校正金元國語

解之命及製西域同文志序諸作復連類而引伸之茲  
增訂清文鑑告竣並為電厥指以詔來者夫字之不得  
其音者如明安之為猛安穆昆之為謀克猶云對字未  
叶耳甚者乃因字法以寓褒譏如金史書烏珠為兀朮  
貝勒為勃極烈或為孛廕者是也且同一蒙古人名於  
膺世爵者則書羅卜藏於隸隸牘者則書羅卜賊沿流  
至今未改不暴誕乎至以字文強索其義者如蒙古語  
鄂博特堆砌之統詞而曲說者以鄂為嗟我之幾博為

輶祭之輶自翊語出經傳究之求其義而不得遂并其  
音而失之不愈盪乎蓋對音本無義也即如國語稱天  
曰阿卜喀蒙古語則曰騰格里西番語則曰那木喀回  
語則曰阿思滿以漢文求之皆無義之可索且以漢文  
天字設用國書合音則字當云梯煙夫梯煙寧有義乎  
豈梯必梯磴之梯而煙必煙霄之煙乎穿鑿者又將謬  
解為梯煙而上為天之義可乎蓋嘗推而論之前代之  
主其不暇兼治漢文者既一任夫承譌襲謬而莫之正



而兼治漢文者乃轉為漢文所牽掣而不克博訂方言之異精研聲律之元譬諸以水濟水誰能食之非虛語也洪惟

皇祖聖祖仁皇帝

神靈天亶制度考文於

列祖勅岳國書廣大精微貫串賅洽

御定清文鑑全函折衷大備惟當時編纂諸臣依國語分類排纂未列三合切音漢字注中間採經傳成語以

佐訓詁日久易啟傳會穿鑿之習朕志切紹

聞指授館臣詳加權覈每門首著國語旁附漢字對音  
或一字或二合或三合切音俾等量者不與苗髮而字  
之淆於不得其音者尠矣詮釋具以日用常言期人共  
曉其俗辭撫拾陳編章句及以之乎者也為文者悉汰  
之而字之汨於強索其義者抑又尠矣綜計續入新定  
國語五十餘句若古官名冠服器用鳥獸花果等有裨  
參考者別為補編系之卷末庶幾嘉與我子孫臣民可

以同文可以傳世而行遠是為序

滿珠蒙古漢字三合切音清文鑑序

向既增訂清文鑑序而行之與夫穿鑿字法謬寓褒譏  
曲解方言傳會漢語一切務奇求勝亦既辨之詳矣茲  
三合切音清文鑑書成司事者以序為請夫既有前序  
則此可以不必重為然前書祇載國語漢語而未及蒙  
古此書乃並載蒙古語所為異於前書者是不可以不  
闡其義我國家自

太祖

太宗以來近邊諸蒙古部落久為世臣而至今則喀爾喀青海及準噶爾之四衛拉特前後歸順蓋無一蒙古之非我臣矣諸部語言音韻剛柔雖畧殊而大段則一即國語雖與蒙古語異而亦有一二相同者朕即位初以為諸外藩歲來朝不可不通其語遂習之不數年而畢能之至今則曲盡其道矣侵尋而至於唐古特語又侵尋而至於回語亦既習之亦既能之既可以為餘暇

之消遣復足以聯中外之性情因悟天下之語萬殊天下之理則一無不戴天而履地無不是是而非非無不尊君上而孝父母無不賢賢人而惡小人彼其於語言文字中謬存我是彼非入者主之出者奴之不亦仰而唾空終於自污其面哉故向有校正金元國語解之命及製西域同文志壹是義也雖然予以為亦無足深怪作金元史者之譌文何則彼一類之人尚有越人視秦人肥瘠之言而況非其類者乎又況彼實不解其語言

音義乎則又安能保千秋萬世後不鮮此書者之又不將如作金元國史者之其人乎前書之序並命載於後庶幾並觀以互相發明也

平定金川五十功臣像贊

有序

金川既平定圖功臣像於紫光閣序而贊之一依伊犁回部之例其故其義前序言之詳矣茲復何言而不能無言者誠以諸臣宣力攄猷或定策於樽俎之間或衝堅於石矢之隊且捐軀盡節者指

不勝屈寧忍令泯沒無聞而弗壽厥儀表彰厥名  
聲者哉夫用兵蓋難言之矣無應機之謀乏識人  
之鑒而徒俾推轂是藉寇兵而齎盜糧也溫福之  
僨車朕深引以為愧而阿桂終能集事朕又畧因  
鮮嘲至於午夜廢寢當食忘餐吁亦勞矣夫無此  
勞而徒曰有兵有將汝其為我征伐則真窮兵黷  
武而付其天下之成敗於不問者朕弗為也觀此  
序者或諒朕非窮兵黷武之為幸何如之冀何如

之而朕之子孫當凜佳兵之誠苟不得已而用之  
必深體此序之意弗以冒昧行焉則我大清億萬  
年無疆之休基於是矣前圖逮今甫十六載事故  
過去者即十分之九為之愴然而後生疊奮繼前  
人之光為國家之用林林源源以出因又為之慶  
矣其兩被圖形如阿桂之倫豈非德業之光輝人  
臣之厚幸而較衛霍英鄂之流更為榮遇超越乎  
定西將軍一等誠謀英勇公協辦大學士吏部



尚書阿桂

西師參贊經歷多年茲為巨擘掄掌兵權

西師之役阿桂為參贊大

臣著有勞績因其嫻習軍務特授為定西將軍統兵勦兩金川阿桂承命以來籌畫盡心不憚艱險用能掃蕩賊巢俘擒逆黨大勲克集實為首功誠而有謀英弗恃錫爵圖形優加章服懋昭酬庸之典

勇集衆出奇成勲克鞏

定邊右副將軍一等果毅繼勇公加一等子戶

部尚書豐昇額

宜喜弗動

癸巳夏因促浸賊人勾通趙拉降番潛出藏擬時豐昇額駐兵宜喜諭令就近赴大板昭

堵勒豐昇額得旨時已知有木果木之事又未得阿桂軍營信息恐將綽斯甲布一路兵力分單徒去無益竟未移兵前往奏至嘉其有識特降旨獎勵之定見識機後副西路親勵戎衣

遜克爾宗督兵進取國之蓋臣勇繼乃祖

遜克爾宗地最險要且在

我軍之後豐昇額督兵進攻或斫寨而入或梯牆而進遂爾得殲賊嘉其勇敢無愧乃祖巴圖魯公額亦都之風因於所襲公爾加繼勇二字以旌之

定邊右副將軍一等襄勇伯成都將軍明亮

獨統一路頗有斬獲姻戚少年世承恩澤

明亮為孝賢皇后親姪

察其少年誠篤俾習軍旅命為副將軍在南路統兵隨即攻取馬尼繼復移兵襲取宜喜山梁遂于北路進勦

尋克日旁沙爾尼  
一帶亦屢著功績  
建績抒忱是用褒嘉俾司將印永靖

符巴  
兩金川既平於其地設鎮安營駐守  
因授明亮為成都將軍以控馭之

### 大學士舒赫德

土爾扈特安集邊城

辛卯夏土爾扈特汗渥巴錫等率  
全部歸順特調舒赫德為伊犁將

軍經理其事安措極為妥協旋授為大學士甲午  
秋命統兵勦捕山東逆匪王倫甫六日而歲事  
命入

綸閣速定臨清金川之役未悉端委書旨承行時亦贊  
理

兵部尚書一等忠勇公和碩額駙福隆安

父定復叛子嘗愧之

戊辰金川之役大學士傅恒前往經畧時以蒞羅奔郎卡畏罪投誠

遂奏聞受降未十年郎卡即滅據鄰封其子索諾木益偕恩反噬實深悔前此之姑息非一舉而殄滅之不能永除後患福隆安因此屢懇赴軍營自効皆未允所請留之禁近俾習贊軍務是用稽首躬請出師留於左右俾習規畫頗有嘉謀協予廣益

原叅贊大臣固倫額駙贈和碩親王色布騰巴

爾珠爾

伊犁宣力屢立戰功金川叅贊仍勵勇忠抱病軍營弗令奏聞惜竟不起未觀成勲

叅贊大臣一等超勇侯都統海蘭察

射巴雅爾超授侍衛洊至都統叅畫軍計堅碉險砦無不先登勇而有謀封侯實應

叅贊大臣一等嫺勇男護軍統領副都統額森  
特

虎鎗隨圍覺與衆殊命往勦賊攘臂以愉閱歷既多遂叅謀議獨當一面亦復集事

叅贊大臣護軍統領舒常

八旗子弟總屬世臣菁莪造就命以從軍勇弗褻旗智  
堪入幕北路贊機時資其畧

領隊大臣一等承恩武勇公加一等男都統奎

林

兄終王事至今為恨

奎林乃毅勇公明瑞親弟皆  
賢皇后親姪明瑞為將軍督兵征

勦緬匪陣亡朕每以為恨不忍更命從軍  
乃奎林力請不已因許之奮勇屢著功績屢請効力披

堅斫陣心源落落膽氣堂堂世家英器是予所臧

領隊大臣三等果勇侯都統和隆武

襲父卹職

和隆武之父將軍和起征勦準噶爾時在闕展為莽噶里克等所害議卹予以世襲子爵

和隆武襲之此次征勦金川不意其勇敢起衆若此因晉封侯爵

少年老成囊錐脫穎

竟善用兵畧日旁寨獨擅偉勲楚材繼出既憐以欣

領隊大臣內大臣都統戶部侍郎三等嘉勇男

福康安

代兄以往繼父而奮

福康安福隆安之弟也

矜許厯勵王臣之蓋

登碁奪砦那須蒙甲嘉勇錫名世傳勲業

領隊大臣副都統三等奮勇男普爾普

欽定四庫全書

劉定八封通志  
卷六

三九

父是日碑子非弄兒

普爾普之父巴圖濟爾噶爾以都爾伯特部宰桑來降隨征回部於

和闐立功仕至都統普爾普臨陣奮勇頗能繼其父志因特賜男爵

命往勦賊盡力無遺

金戈鉄衣冰山雪窖能入能出敵不敢校

領隊大臣荊州將軍輔國公興兆

憶當國初創業開基宗室王公宣力率師承平襲慶安  
享榮華董軍建勲斯為可嘉

領隊大臣廣西提督書麟

本非習戰遇戰即奮恐孤父名

書麟乃大學士高晉之子

偉哉後進



功成事定提督鬱林攻則壯志守則小心

領隊大臣副都統綽克托巴圖魯三保

本射生手獸無跳走以之射賊探囊物取冒險屢進志

篤且純受創獨重祿養終身

三保在軍營每戰勇往不避矢石因攻甲索賊寨右

臂受鳥鎗傷甚劇久治不瘥憐其臂已殘廢免令入直當差仍留副都統之任俾得祿以贍

領隊大臣副都統法福里巴圖魯烏什哈達

有足如鑷有手如翼削壁尖峯行無難色領隊奮勇屢

克碉堅羌兒畏之若雀遇鷗

領隊大臣副都統多布坦巴圖魯瑚尼爾圖

木思工噶躍入賊碉督衆韃騁勇不目逃巴占牽敵俾  
無遮剋畚人望之弗戰辟易

領隊大臣副都統扎克博巴圖魯珠爾格德

奎林深入賊刃將及發矢斃之險中救急同心合力共  
集大勲寫圖旌壯惇史流芬

領隊大臣副都統咱爾親巴圖魯阿爾都

喀咱奎林及和隆武絕地被遮餘勇猶賈曰阿爾都據

險牽賊二人乃出其功允特

領隊大臣副都統阿爾杭阿巴圖魯阿爾薩朗

跬步皆山面前萬仞無著足處攀騰奮迅遂破扎古

扎古

即扎烏古急呼  
之則為兩字

既翹且英人中獅子實稱其名

阿爾薩朗國語

謂獅子也

領隊大臣副都統穆騰額巴圖魯舒亮

率健銳營訓練有素節制之師五步六步礮礮叢中鼓

勇身先勞而不伐是用稱賢

原領隊大臣副都統銜納親巴圖魯科瑪

堂堂之陣亦藉出奇潛行僻路附葛蹕嶺直越峯頂火

攻石礮破二百寨色格功高

科瑪于沙壩山率兵潛行攀陟山頂為賊所阻即分

兵槍拈色格落喀爾都等處拋入火彈燒賊寨二百餘間

領隊大臣副都統銜扎濟克巴圖魯伊蘭保

有賊必戰有戰必先率我勁旅攻其中堅志不顧身勇

能知義噶占進棧丹格建幟

原領隊大臣副都統銜扎爾丹巴圖魯佛倫泰

功成一將那保無虞爭前恥後舊風未渝當噶之戰直  
進身殞使我心惻優卹惟允

領隊大臣副都統三等信勇公富興

信勇世家志不愧祖

富興為信勇公費英東之曾孫以有足疾不能登陟攻戰而駐守要

隘則甚得力

徒以竊痿艱于步武鷺叢鳥道登進則遲據險

守要千軍不移

領隊大臣副都統德赫布

賊之所恃據碉堅守我之所利拏柵進取知彼知己正

以出奇邀隙攢射善手是資

原領隊大臣副都統莽喀察

索倫善射其中稱最西師建勲紫閣形繪逞其猿臂搜  
彼蟻封不虞創重歎惜何窮

領隊大臣直隸天津鎮總兵噶布什海巴圖魯

海祿

資哩美諾皆樹奇績奪昆色爾攀枝援壁固資衆力率  
先必親事定酬庸命鎮天津

領隊大臣貴州鎮遠鎮總兵僧格巴圖魯教成  
甘涼宿將屢立戰功以其驍習俾伐蠻實于巴布里攻  
其恃固乘雪拔之有如李愬

領隊大臣山西大同鎮總兵巴爾丹巴圖魯官  
達色

連環火攻國之雄器率領得人無往不利及至近碉斫  
門穴孔大呼直入嘉乃獨勇

領隊大臣四川北鎮總兵賽尚阿巴圖魯成

德

沈舟側畔鼓棹為難受  
剗復進其心審丹似若而不  
勝屈指養育八旗報非虛飾

叶

領隊大臣陝西固原鎮總兵法福里巴圖魯圖  
欽保

承平日久敢恃內安永憶文子厥有名言嘉我諸臣遇  
兵則奮竭力敵愾世承家訓

原甘肅肅州鎮總兵札親巴圖魯曹順



始由偏裨洊至總戎騎牆殺賊受傷捐躬賞延于世為之惜悼李世朱門歌舞以笑

領隊大臣陝西興漢鎮總兵三等義烈公保寧

父歿王事

保寧之父納木札爾以靖逆將軍征剿回部於黑水陣亡卹贈義烈公保寧襲爵因其力

請出師遵先之在軍營屢著功績

襲爵為公不忘忠盡力請從戎雖屬

少年乃如宿將持重戒輕心精膽壯

領隊大臣山西太原鎮總兵特成額

誰謂世家而多紃綉後生可畏不忘祖父

叶特成額為原果毅公

欽定四庫全書

卷首六

榮楞之子其高祖即巴圖魯公額亦都也

是予所嘉是予所憐願予世臣綿

此萬年

原領隊大臣陝西延綏鎮總兵烏爾納

平生若懦戰則倍勇雖屢受傷進不旋踵功成事定賊

寨火延沒于弗值實可嗟焉

將軍等既平促浸賊巢掃蕩數日後噶喇依寨內怨

火起延及火藥局烏爾納督兵往救不意藥轟石飛傷腦而歿為之悼惜因勅部照陣亡例議卹

原署福建寧鎮總兵敦柱

披堅破銳突將無前衆志成城而各力宣威震印笮拉

朽摧枯宜喜已克惜哉捐軀

頭等侍衛札卓穆巴巴圖魯額爾特

七校護衛無殊衆人及至臨敵其膽包身地道深入木  
城超躍遂克勒圍厥功允卓

頭等侍衛揚達克巴圖魯托爾托保

每戰俱前三遇三克勝彼忠嗣王耀武漢北漠北可馬  
此步而攀冰巘萬仞所以為難

二等侍衛拉布凱巴圖魯泰斐英阿

一木曷支衆擎易舉嘉我諸臣心同力努人自為戰各有所成攻康薩爾直進賊營

二等侍衛崇錢巴圖魯柏凌

于戰可觀人之立志或挺而前或退而避受傷雖多其節弗渝如柏凌冬壯矣大夫

原二等侍衛額依巴爾巴圖魯達蘭泰

或仰而攻或俯而壓仰以鷹抄俯如馬蹋公膺迹遁鬼蜮魂銷追奔逐北處處功高

原二等侍衛善巴巴圖魯薩爾吉岱

賊之長技在於善守反而用之拏柵進取滴博達婆威  
名遠服惜哉陣亡於阿穰曲

索倫佐領舒克丹巴圖魯特爾惇澈

賊之所懼勁弓長箭飛鋒蝟集對則色變索倫捷手射  
番竄多每據要害其功弗磨

貴州副將奢特陳巴圖魯興奎

黠武豈願詰戎敢忘因弗得已曉夜傍徨良材總總為

國宣猷寫圖表績永示千秋

謹案金川功臣五十人內于敏中哈國興馬彪  
馬全均係漢人故惟恭錄阿桂等四十六首

平定臺灣二十功臣像贊

有序

近著勦滅臺灣逆賊生擒林爽文紀事語以為伊  
犁回部金川三大事各有專文王倫蘇四十三田  
五次三事不足薙其功若茲林爽文之勦滅介於  
六者間雖弗稱大事而亦不為小矣故其次三訖  
未紀勲圖像而茲福康安海蘭察等渡海搜山竟

成偉勲靖海疆吁亦勞矣不可湮其功而弗識故  
於紫光閣紀勲圖像一如向三大事之為然究以  
一區海濱數月底績故減其百者為五十而朕親  
製贊五十者為二十餘命文臣擬撰一如上次之  
式夫用兵豈易事哉昔漢光武有云每一發兵頭  
鬚為白況予古稀望八之年鬚鬢早半白而拓土  
開疆過光武遠甚更有何冀而為佳兵之舉誠以  
海疆民命不得不發師安靖所為乃應兵非佳兵

也然亦因應兵非佳兵幸邀

天助順而成功速此予以感謝

鴻貺不可以言語形容而又不能已於言者也昔人有  
言滿洲兵至萬橫行天下無敵今朕所發巴圖魯  
侍衛章京等纔百人已足以當數千人之勇綠營  
兵雖多怯而無用茲精選屯練及貴州廣東湖廣  
兵得近萬人統而用之遂以掃巢穴縛逆首是綠  
營果無用哉亦在率而行之者為之埋根倡首有



以鼓勵之耳若福康安未渡海以前臺灣綠營已  
共有四萬餘兵何以不能成功則無以率而行之  
者豈不然哉且臺灣一歲三收蔗薯更富朕若微  
有量田加賦之意以致民變

天必罪之不能如是成功速也後世子孫當知此意毋  
信浮論富國之言愛民薄歛明慎用兵庶其恒承  
天眷耳近日以宮商三百逐章屢飫其義竟如幼年書  
室學詩之時然彼時但知讀其章句而今則究其

義味因思采薇出車諸章乃上之勞下其義正斯  
為正雅祈父北山諸什乃下之怨上其義變斯為  
變雅夫上勞下可也下怨上不可也何則下之怨  
上固在下者不知忠義然亦在上者又有以致  
之斯則大不可也我滿洲舊風以不得捐軀國事  
死於牖下為恥其抱忠知義較祈父北山之怨上  
為何如是則綠營之多恇怯思家伊古有之無足  
多怪矣然為上者不可不存采薇出車之意更不

可不知祈父北山之苦如其一概不知而但欲開  
疆擴土是誠佳兵黷武之為望其有成豈非北轅  
而適越乎故因為功臣圖贊而申其說如此以戒  
奕葉子孫並戒萬世之用兵者

大學士一等誠謀英勇公阿桂

戡外守中未恒亮功馳咨軍務志每予同歸朝襄贊翦

逆除兇三登紫閣福厚功崇

去歲在山莊籌辦臺灣軍務其時阿桂留京辦事七

月間又命往河上會辦堵築事宜是此次軍務阿桂並未辦理惟間有指示方畧諭令閱看覆奏每多意見相

同及後報捷之時阿桂甫得差竣回京是一體  
予以議叙且以班次在前故列為功臣之首云

大學士三等忠襄伯和珅

承訓書諭兼通清漢旁午軍書惟明且斷平薩拉爾亦  
曾督戰賜爵勵忠竟成國幹

協辦大學士吏部尚書陝甘總督一等嘉勇公  
福康安

金川領兵已著偉名幾處封疆吏肅政成解圍擒逆能  
人不能崇封殊錫嘉爾忠誠

領侍衛內大臣三等超勇公海蘭察

勇弗知書謀勝智士匹馬彎弓賊不敢視欲致活口射  
勿令死進爵錫服言難盡美

工部尚書福長安

父兄及已胥國勲親英年習政其心孔純承旨參議有  
見敬申忠良之報並得圖麟

閩浙總督李侍堯

川疆入覲命往閩疆戰固老矣謀猷允長渡兵濟餉井

井有方不誤軍儲其績孔臧

成都將軍法什尚阿巴圖魯雲騎尉鄂輝

無前出力屯練之兵將軍鄂輝實率以行覆穴摧壘到處功成勇而有謀覃國之英

護軍統領穆騰額巴圖魯雲騎尉舒亮

金川之役已為領隊事定功成統軍歸內搜捕逸賊不遺醜輩生致逆渠其能弗昧

護軍統領沙爾瑪海巴圖魯三等奮勇男雲騎

尉普爾普

隨父入都甫十餘歲既長<sup>上</sup>能勇曉兵有制同救諸羅  
通路府際先登拔柵圖容兩逮

四川松潘鎮總兵奮圖禮巴圖魯穆克登阿  
斗六里杙排竹為城直斫而入大敗賊兵隴種鹿埕內  
山遁形搜擒首惡林林衆英

四川建昌鎮總兵札敦巴巴圖魯張芝元

金川隨征超熊羅旅茲領番兵以通番語賊屬生傳賊

路嚴禦卒獲生俘厥功允巨

臺灣鎮總兵冲傑巴圖魯普吉保

攻克笨港本有微功未詳諸羅賊衆難通賈勇贖過奮  
不顧躬扼科仔坑逸賊路窮

謹案臺灣二十功臣贊內王杰董誥蔡攀龍梁朝  
桂許世亨均係漢人穆塔爾係四川土司故惟恭  
錄阿桂等  
十三首

平定廓爾喀十五功臣圖贊

有序

廓爾喀畏威乞降歸順武成平定功臣効力宜有



圖贊例應論爵以軍機大臣為首而大學士阿桂  
以此番絕域厯險實異常之勞當以大將軍福康  
安為首因嘉許之為之序曰

武成圖功逮此凡四

紫光閣圖功臣像各為之贊  
自平定西域兩金川臺灣逮

此凡  
四次

夫用兵豈易言哉必出於不得已而不出於

貪得恃強審時應機既明且斷信賞必罰仍總賴  
天貺助順捨斯數者未有不見其敗而資窮黷之譏者  
也伊犂回部金川既受俘歲事余已不復萌用武

之心無何而臺灣叛福康安等渡海勦賊不久生擒賊首故此戰圖仍依例以阿桂為首今之廓爾喀又在西藏數千里外絕壁衝天急湍臨峽捨馬單步非福康安海蘭察二人同心鼓勇身先士卒斷不能成此七戰七勝之功首圖其像允合予心而符衆望也西師金川功臣各百予親為贊者各五十餘命儒臣為贊各五十以成百數臺灣功臣予親贊者二十餘命儒臣為贊者三十以成五十

數今平定廓爾喀之功臣予親贊者十五餘命儒  
臣為贊者十五以成三十數蓋以西師及金川歷  
年久而擴地廣故人數多臺灣成功速而地非廣  
故人數次之若廓爾喀則又速於臺灣地雖險而  
實弗廣也故予親為贊者不過十五儒臣為贊者  
亦祇十五然以總數較仍勝凌烟雲臺之所表也  
此實

吳蒼護佑國家

欽定四庫全書

祖宗教養所貽賢材接踵為邦家光予藐躬欽承惟謹  
盛滿是懼且歸政年近老而畏事違敢復有他圖  
哉

大學士一等忠銳嘉勇公兩廣總督福康安

百戰久經兩功近成近之險絕前聞未曾七戰七勝度

索乘桴舊勲新讓

此番聲討廓爾喀福康安身先將士履險臨深無戰不捷大功克藏其忠

負實邁等倫若以爵論阿桂本應居首而阿桂自以此次未臨行陣奏讓福康安為首功實為公先可嘉遂俞

其  
請嘉許首圖

大學士一等誠謀英勇公阿桂

七旬以上身體康強從不言功黃圖贊襄威克安久

此

用師必大彰國威而後先降庶幾可以久安不致再生事端唐太宗所謂示之必克其和乃國正合朕意福康安固能仰體此意力藏殊勩而阿桂原有協謀之功亦不可掩曾亦協謀曾一个臣有

容休休

大學士三等忠襄伯和珅

國家用武帷幄絲綸事殊四朝

謂漢唐宋明

清文漢文蒙古

西番頗通大意

去歲用兵之際所有指示機宜每兼用清漢文此外頒給達賴喇嘛及傳諭廓

爾喀勅書並兼用蒙古西番字臣工中通曉西番字者殊難其人惟和坤承旨書諭俱能辦理秩如勤勞

書旨允稱能事

原任領侍衛內大臣一等超勇公海蘭察

勇而有謀侍衛洵公

乙亥征討準噶爾時海蘭察方以索倫馬兵從軍先是輝特台吉巴

雅爾率屬來降已封為汗及阿睦爾撒納復叛後巴雅爾旋亦從逆以大兵追急進入塔爾巴哈台山中海蘭察奮力窮追射之墜馬遂生擒以歸以此立擢為侍衛嗣後每派出兵無不奮勉爭先而料敵策應宛若素嫻韜畧者然屢以戰功洵封公爵此次為參贊功成復晉封一等超勇公實為索倫之傑出者矣

索倫巨

擘黼衣錫龍圖形四番福祿鮮比旋終於家矜惜無已

戶部尚書福長安

戚畹開門家國一體兄勤遠征弟贊近理鴻邱之隔樽

俎之間無不同心弗稱已

已上聲人關已之已

征廓爾喀之役子與軍機大臣等籌

畫機宜福長安盡心襄贊悉合予意伊本以國事為重詎稱闕已而已哉

兵部尚書慶桂

所謂故國賴有世臣量

去聲

材授職非卑逾尊

子用孟語

本兵

習政

明代最重本兵之職凡遇軍興悉以委之自中葉以後其君不親政事又無知人之明而肩斯任者

率多庸懦腐儒動皆掣肘更恣苞苴此其國事寧復可問近作凱旋兵丁各歸營伍紀事文曾指其失以昭懲

戒至我朝用兵惟任將軍參贊相機攻取是以所向無敵而兵部所司不過設驛安頓送往迎回諸事而已

元長之子

慶桂為尹繼善之子繼善字元長

跨灶是乎

從前西域用兵惟傳恒與

予一心主必辦之說其時尹繼善為陝甘總督頗不欲用兵此亦習於書生拘守之常談不足以識事機彼時並慮辦理機務非其所長因令黃廷桂調任陝甘專司其事是以西師歲功伊雖為世臣未得列入戰圖今慶桂以軍機大臣邀恩得此榮遇轉覺跨灶矣

圖形始爾

## 工部尚書和琳

二庸駐藏諸務推諉

浮習渾雅滿泰二人同為駐藏大臣乃平時於廓爾喀之事置若罔

聞藏中一切委之噶布倫等任其妄為迨廓爾喀侵擾藏地又不能帶兵征勦轉欲將達賴喇嘛班禪額爾德



尼移至內地竟甘心棄置藏地不知是何肺腑因  
令將伊二人于藏地枷責以為非該國事者戒  
選良

代之條條有理和坤之弟責難觀成

和琳先為御史屢命巡漕於河道漕

運頗能認真挑漕督催因悉其才具優長並知為和坤之弟去歲令往代俾習渾等為駐藏大臣沿途據奏催儲烏拉立定期限嚴申賞罰軍裝火藥源源運送不致遲誤及到藏後辦理糧餉事宜整頓藏中諸務一切井井有條初不料其竟能副朕委任而國家得一良材尤堪慰悅  
嘉得世臣為國之楨

### 四川總督惠齡

和琳督催至藏之西

濟嚨以內糧運烏拉專任和琳往來督催可以無誤然亦僅至藏之

西界其大兵所到地方之後路亦難無顧

師進賊境繼運留資

初命惠齡為四川總督即

令同至軍營授為叅贊大臣既念大兵深入賊境師行糧隨最關緊要而惠齡於調度既不能如福康安戰陣亦更不如海蘭察用其所長莫若竟以後路糧運專責其成其在拉子地方設法趕運糧石軍械及雇覓商民長運諸務悉為周妥並不貪待戰功希冀懋賞此意亦為可嘉

餉戒不匱用濟武成功

亦懋哉初被圖形

原任都統銜護軍統領喇布凱巴圖魯台斐英

阿

首攻察木既克濟隴身先士卒奮勇成功遂至帕朗逼

甲爾古

台斐英阿自察木進兵以後無不身先士卒往來截殺最為奮勇及攻東覺山梁尚用砲轟斃

紅衣綠衣賊目其從進攻甲爾古拉復直前  
射斃紅衣賊目不意中鎗殞軀深為痛惜  
直進殞身

痛惜心楚

護軍統領和隆武巴圖魯額勒登保

石礪木柵鱗疊賊防勢如捲箝捷似頽牆將軍所示無

不領畧

額勒登保時為翼長司軍前各隊營務及調遣  
諸事故能領畧將軍意指此番前後七戰率領

精兵攻礪奪柵  
所至無不克捷  
率領精兵埋根卓鑠

原任副都統扎弩巴圖魯阿滿泰

遇有絕險莫弗身先詎惟力勇實以忠堅攻堆補木奪

橋命殞馬革未能

官兵攻奉濟隴官寨及搶奪熟索橋由我綠大山繞至上游紮茂渡河又

攻克協布魯賊寨阿滿泰無不身先鼓勇痛殲賊衆忠悃實屬超羣乃至攻噶勒堆補木過河時見賊匪將撤橋板直前搶奪兵丁乘勢競進而伊適以在前中鎗落河水深溜急當爭先進擊之際不及撈覓並不得裹

馬革以歸益堪憫惻

更切哀憫

副都統銜駐劄西藏協辦事務大臣賽尚阿巴

圖魯成德

曾爭巴忠

前次廓爾喀侵擾藏邊巴忠授意噶布倫丹津班珠爾許銀贖地成德未嘗不知然聞彼

時曾力詆其非而巴忠恃在御前行走諸事擅專雖爭之不得而心尚雄壯

尚有雄心克聶

拉木

賊人佔據聶拉木官寨成德與穆克登阿率兵乘夜前進距寨里許穆克登阿由西南伊由西北進

攻拋入火彈燒斃賊匪甚衆其逃出者復被官兵殲戮二百餘名寨中尚屯聚賊匪令我兵四面圍困無一漏

網者頗見勇畧

亦見韜襟重進剿賊別分一路

繼而大兵由色達木一路深入

賊境福康安分派成德由哈那衮木山一路進攻既同阿尼雅布等將扎木攻克又聞前途有鐵索橋即潛行樹林內奪據大河東岸賊卡乘夜奪橋並將西岸賊卡攻克沿途殺獲甚衆復由江各波速山梁直趨隴岡與房吉保會合兩面夾擊佔住隴岡所有賊卡悉被焚燬此次成德分路攻剿功亦可錄

頗有所先

# 圖形表故

謹案廓爾喀十五功臣贊內王杰孫士毅董誥均係漢人故惟恭錄福康安等十二首



欽定八旗通志卷首之六